

108
2

東京圖書館				
四	八	一		
冊	號	架	函	類

教行信證畧讚

三

教行信證略讀第五

卷三

淨信院道隱師述
齋藤聞精師校閱



此明寺和尚等

文有三分。一正引大師之文。二助釋玄義之文。三科上既解竟。以下第三旁及諸師列十一師文是也。於列諸師中先法照者。以善導後身故。唯信文意云、法照禪師者、唐朝光明寺善導和尙化身也、是故曰後善導也、雖然彼讀中。有同於和尙者。又有異於和尙者。從時緣故如水水然。是以不立為真宗正系。然助乎和尙化益。真宗弘傳之功。不可蔽故。和讚中附和尙言之。其意可見。今所引者其精粹者也。今棄彼讀下及他師。他師全是彼讀註脚者也。何以知之。自下所引始乎念佛三昧。是真無上深妙門等。而終乎禪宗飛錫。云念佛三昧是三昧王。蓋其微意也。然則憬興已下十師。為淨土五會讚之所



攝。五會讚又為前舟讚之所攝。光明寺和尚。與往生要集境大相接。真宗念佛相承間不容髮。若不爾者不但紊其正系。抑又雷同他師。選擇本願之行焉可成乎。覽者宜熟察焉。已上全承師說又局善導章引諸師有深由。至下可知。旁及他師自十。第一法照禪師釋有四。初序文

○淨土五會念佛乃至度眾生

五會法事讚二卷。法照禪師所述也。○五會念佛者。依大經清風時發出五音聲文。五種音聲從緩至急。念佛法懺。第一會平聲緩念。第二會平上聲緩念。第三會非緩非急念。第四會漸急念。第五會四字轉急念。具如彼說。今此文序初。總明念佛三昧深妙文也。○如來說教等者。若就讚意解之。如來說教法為度眾生。隨其根機。雖有廣畧不同。為終版實相。廣謂一代諸教。畧謂念佛一法也。此中引意與彼不同。今承前舟讚文。終版乎實

相者。釋向轉入真如門。真如實相一法異名。即指安養証果。入實相真如妙果之門。即是念佛三昧。然則如來說往生教。隨機廣略不同。為證入安養實相妙果也。廣謂三經。具說凡佛因果故。略謂一代諸經。開闡念佛法。其相不具悉。故為略。一行三昧及觀佛三昧經等其義至下自見。○得真無生等者。如來說教。在令未度者得度。未證者得證。是故已得證真無生者。何與於教綱也。今此中意指已往生人。淨土文云。請看十方恒沙佛。悉是當初正信人。可準解。○真無上深妙禪門者。本作禪門禪定三昧義故有無俱通念佛三昧是通真如實相之門故。嘆云無上深妙。此門即舟讚所謂弘誓門故。曰以彌陀法王等。宗家云弘誓多門四十八。偏標念佛最為親是也。○焉佛事願力度。眾生者。讀本焉作為名號為佛事。願力度。眾生對語之文也。今家所覽本為作焉。今轉義還彰願力最勝矣。○乃至者序餘殘五十餘行文也。

○如來常於三味海中乃至求解脫
 二釋五會念佛文也。讀本次莊嚴文在前。此五會念佛釋文在後。今欲成上所謂念佛三味。是無上深妙門之義。故先引五會念佛釋。六要二本廿六問答大好。○如來常與嘗於三味海中等者。彼讀曰如來嘗於三味海中。舉網綿手。謂父王曰等。於三味海中者。具應言觀佛三味海經中。舉網綿手者。綿字綴字寫誤。網綴手者三十二相中。十指網綴相也。然今家據錯本。云細綿手。四字難讀。直引其大義。不拘文句。但取於諸三味海中。唯舉念佛以授父王之義耳。不以謬文為閤却是可以仰其深識也哉。例如道安法師大品般若經講時。不以謬文為閤也。喪之功思過其半。出三藏記第九。出大品般若序。今就錯本解之。謂如來於諸三味界中。舉示子細綿密手。謂父王唯授念佛三味一法。有解云。佛隨機設教。於三味海中。舉示無量三味。猶如網

目綿連。然觀佛三味經中。勸父王令但行念佛三味也。機用不隨情。○豈同等者。依讀意遮執無相離念之見。故次文云夫如是者。則住於斷滅見。謗佛毀經。成檀法業。墜無間矣。今引意轉。示不可同。彼聖道門無相離念。凡聖道大乘教。無相離念為本。解般若真空。以無念求無生。觀佛身無相法身。離文字求解脫。豈凡夫之所堪乎。是故勸父王使不可同。豈同二字。通於求解脫可見。謂豈類同於彼無相離念。而離念別求無念。離往生而可別求無生。生即無生故。離相好而可求法身。相好莊嚴即法身故。離文字而可求解脫。六字嘉號即實相故。是以從念入無念。從生入無生。從六字名入解脫。謂之真無上深妙門。為彰此義。先引五會念佛之文可知矣。
 ○爾大哉。乃至其佛名號也。爾字本作尊。尊者愛也。
 三莊嚴文。○爾者承上如來設教。釋彌陀法王彌陀等文。顯舟讚特

蒙釋迦知識恩。選得彌陀弘誓門之意。以明二尊化物。唯在淨土一教也。○大哉至理真法一如者。諸佛所證平等一如實相。彌陀釋迦一如無二如也。從其一如發大悲。則教化利生之弘誓。因緣各別。是以悲華經。釋迦願取濁世。彌陀願取淨土。故釋迦乘願於五濁剎。應現示生。彌陀成願而影現於安養界也。釋迦所以出與於濁世。為使五濁難化之群生。選得彌陀弘誓門也。彌陀所以影現於安養。則為引接濁惡群萌。使得無上妙果也。雖淨穢異利益大悲齊同。二尊大悲唯勸。易修易證法門。真知二尊本意。唯在淨土教門而已。○然彼西方殊妙難比一句。惣明莊嚴最勝。謂西方淨土莊嚴。殊勝微妙。十方諸佛國。難可比類也。其國土下別嘆。如讚意其國土也。嚴以百寶蓮敷。九品以收人。其佛名號也。能蕩千殃音開五會而攝物文。此乃國土莊嚴攝化。與名號音聲化物對語。百寶千殃對明。九品本異。

五會以為對句。今引名號功德下。文言省略。轉聲亦與讚此亦存別意。謂其國土也。一句屬上。嚴以百寶蓮華敷九品。以收凡夫人。其佛名號佛德也。此所以重其名號也。

○依稱讚淨土經乃至離無常

四讚文有五。初淨土樂讚。十九首中三首文第九第十一十五也。稱讚經

示所依。○釋法照是能讚主也。見宋僧傳廿一。慈雲淨土略傳

云。後有法照法師即善導後身也。○如來尊號甚分明等者。此

一偈具如唯信文意。法要二今引意者。彰前彌陀法王威德。甚分

明者。喻如星中月。一月上天。眾星悉所掩奪。但月光特分明。諸

佛名號如星。彌陀尊號如月。故云甚分明。約顯名號最勝。○

十方世界普流行者。彌陀尊號普流行於十方微塵剎土。無有

所不至。喻如帝王勅令。於四海無處不行。非如諸侯教令。其所

流行之處。無皆不瞻仰之。其行之者無皆不往生。故云稱

名皆得往。是普流行之相也。唯信文意云。凡十方世界普流行者。由第十七願十方無量諸佛。咨嗟稱我名。誓一乘大智海誓願成就也。阿彌陀經證誠護念之相明也。○觀音勢至自來迎者。經云常來至此行人之處。此乃但稱佛名。常隨逐影護之得益。不必臨終來迎之義。故唯信文意云。言觀音勢至自來迎者。南無阿彌陀佛者智慧名號。故信受憶念。此不可思議智慧光佛名者。觀音勢至必如影逐形。此無碍光佛。現觀音示勢至也。已上示名或經觀音名寶應聲菩薩。示日天子。晴萬衆生無明黑暗。勢至名寶吉祥菩薩。現月天子。照生死長夜。開智慧也。此約即事今謂自者顯法德自然。顯稱佛名。則不求不請。二大士自來護也。來者令來淨土。此乃顯若不生者誓之教。彰他力之言也。文言迎者迎取住金剛心。住等正覺正定聚位也。又言住者此住不退轉也。依文○彌陀本願特殊已下二偈。彰向焉佛事。

願力度衆生之義。本願特超過殊勝於諸佛故事。願力也。起殊者超殊之寫誤。慈悲方便引凡夫。一切衆生皆度脫者。顯向度衆生句。慈悲故莊嚴淨土。而爲所皈處。自利利他巧方便。能引凡夫。故無不一切衆生皆度脫也。○稱名即等下五句明度衆生之利益。稱名即得滅罪消除者。是現生益。謂正定聚也。若得到西方。曠劫罪滅亡二句。彼土益。示必至滅度益。消亡異作滅亡。爲正也。具六神通者是神通益。永除老病者。得證無爲法性身也。

○依佛本行經乃至不相應

二正法樂讚。彼嚧有三十二首。於中今但引三首。正法能超出世間句。皆在每首中間。非讚句也。此三首。引釋上王今坐禪但當念佛之意也。初一首先問審使思擇決了。以決了邪正思擇真假。而捨惡取善。可修行。不然未了行。而行無所得。故○何者

若箇但是問辭。今宜決擇正法真宗道理也。禪宗話則云那箇或云若箇支那俗語、
○ 瞭朧者月不明也。若不明了則不成就故。○ 持戒坐禪等下。正決擇邪正真假之道理也。超出世間名正法。戒定元是無漏法。超出世間有漏法故。持戒坐禪名正法也。念佛是速到菩提法故名真宗也。然今世所言持戒。不取信於佛語。不信諸佛證誠之念佛故。不守佛言名外道。所云坐禪多撥無因果。見入邪空空佛土。廢往生因果故。如來正法能超出世間。今世坐禪持律。豈其正法耶。非正法故亦非真宗。唯有念佛三昧是真實。以往生淨土者。速見性了心便成佛故。楞嚴曰不假方便得心自開。○ 如何道理不相應者。上若箇道理是真宗之句。於于此乎終決成。可捨假取真捨邪皈正。念佛是正法。念佛特真宗。是故如來勸父王但使念佛。斯之謂也。
○ 依阿彌陀經乃至此間迎。

三西方樂讚。彼本有十五首。中今引四首。於中初二首。明淨穢二土進退相。今引意釋向二尋難穢淨兩殊。利益齊一易修易證之意。何者西方與娑婆相對。有進退難易優降不同。是以釋迦應生於五濁。引導此界衆生。使往西方。彌陀構土於西方。迎接此界衆生。弘誓各別爲之而已。爲顯此義。引此偈也。○ 西方進道勝等者。大經云昇道無窮極。自然之所牽。又淨土見聞覺知進道。無五欲邪魔等退沒之緣故。自然進道故。成佛不假修業。唯端坐念彌陀佛恩耳。端坐念佛亦自然。經說是諸衆鳥晝夜六時。皆自然生念佛聲。龍樹判之。爲安樂國之報德。大論是也。○ 五濁修行多退轉等者。退進相對勸易修易證也。五濁多五欲邪魔退緣故。備修六度万行。歷無數劫。遙求菩提。其間多退轉。無如入易行易修念佛往西方。自然成就菩提道也。念佛往者易修之義。○ 到彼自然成正覺等者。是易證之義。此乃彰向易

修易證之義也。彼土昇道無窮極。自然之所牽故。成佛不勞。無
數劫修行。故到彼速自然。成正覺。此依必至滅度願力。故自成
正覺。則歸普賢德。還來穢國。度人天亦自然。此由還相回向願
力。從往相證果。發還相大悲。併如來願力回向之所使然也。界
字一本作海。爲正也。津樑者。津水渡也。樑橋樑也。能作橋樑。濟
渡一切衆生。曰津樑也。然生西方者。爲一切衆生苦。往生要集
云。又願求極樂。非是自利心。所以然者。今此娑婆世界多諸留
難。甘露未沾。苦海朝宗。初心者何暇修道。故今爲欲圓滿菩提
願行。自在利益一切衆生。先求極樂。不爲自利。乃至十疑論云。
所以求生淨土。欲救拔一切衆生苦。故即自思。付我今無力。若
在惡世。煩惱境強。自被纏縛。淪溺三塗。動經劫數。如是輪轉。無
始已來。未曾休息。何得救苦衆生。爲此求生淨土。證無生忍。能
於惡世中救苦衆生。文○萬行之中。爲急要等者。此明淨土一

門。即是頓教一乘。此彰向真唯淨土教門之義。今此念佛是萬
行中爲急者。頓教也。爲要者。頓中之頓。究竟一乘之義也。○速
迅無過淨土門者。不勞修業。速疾成佛。法真唯淨土教門。故一
代無量法門海中。無過此淨土一門者。可謂頓中之頓。乘中之
一乘是也。是以釋迦自說。云我見是利。故說此言。釋迦自見速
疾成佛大利。故唯勸執持名號。不但娑婆本師說。十方諸佛共
傳證誠之。云說誠實言。汝等當信。即是阿彌陀經大義也。傳證
下一本有乃至字。此略四句。故也。○此界一人等四句。明念佛
現生益。此事但見傳記。而未見經說。私按此師意。以小經池中
蓮華。大如車輪。等合九品。爲念佛行者當來所作。九品中既說
臨終蓮華來迎。豈有平日時不開。而臨終此華來迎乎。既有臨
終來迎。明知平日曾有念佛者。則極樂池中生一蓮。蓋隨其勤
惰。有榮悴異。如佛祖統紀第廿八。往生女倫傳載。因引往生傳

示其義。宋荆王名楫微宗之子夫人。元祐中事西方甚精。恪獨一妾懈慢。夫人將逐之。其妾悲悔極加精進。一夕異香徧室。無疾而終。夫人忽夢。妾起居叙謝。因夫人訓責。今獲往生。夫人曰。西方可往不。妾曰。但隨妾行。夫人隨之。見二池。皆白蓮華。或榮或悴。妾曰。此皆世間發心。修西方人也。人間纔發一念。池中即生一華。隨其勤惰榮悴各異云云。又宋居四明。開元中常誦法華。因坐化。三日復蘇。語淨土事。與十六觀境不異。見蓮華臺。皆標合生者姓名云云。傳文能符合修多羅真文。故知今師。以小經說合九品說相。以九品蓮臺為當住處。故般舟三昧樂文云。借問家鄉何處在。極樂池中七寶臺。上莊嚴文云。蓮敷九品以收人。今復引釋此義思之。

○依般舟三昧經乃至自親近

四般舟三昧樂讚。六要云。二十行者即是般舟三昧樂讚。一行

二句為一首。懃有三十八首之中。第十七首以下至終。但於其中不簡下智與高才。次不簡多聞持淨戒。問。二行四句有所除也。文。慈愍和尚者。學讀主名。又名慧日三藏。開元中至天竺。於健陀羅國山中。祈觀音像。觀音現身。摩日頂曰。汝欲傳法利人。願生極樂國。當如汝志。開元七年。東飯達長安。深弘淨土法門。著淨土文。具見僧傳二十九。戒珠往生傳。○今日道場諸眾等者。師說云。已下重顯向西方殊妙難比。其國止敷九品。以收人其名號也。意配文思之。今私云。承前念佛易修。證。万行之中為急要。迅速無過淨土門之文。明。幸今得遇此淨土一門。急勸一會同行。使念佛往西方。於中初七首。慶幸值十種難值法。八九二首急勸一會諸眾等也。○道場諸眾等者。指般舟念佛道場七眾等言。等末世凡夫。○恒沙曠劫懃經來者。明六道生死流轉輪迴久。安樂集上卅第三門中有五番。第一明從無始劫

來。在此輪迴無窮受身無數者。如智度論云。在人中或張家死王家生。王家死李家生。如是盡閻浮提界。或重生或異家生。或南閻浮提死。西拘耶尼生。如閻浮提。余三天下亦如是。四天下死生。四天王天亦如是。或四天王天死。生忉利天。忉利天死。生餘上四天。亦如是。色界有十八重天。無色界有四重天。此死生彼。一々皆徧亦如是。或色界死。生阿毘地獄。阿毘地獄中死。生餘輕繫地獄。輕繫地獄中死。生畜生中。畜生中死。生餓鬼道中。餓鬼道中死。或生人天中。如是輪迴六道。受苦樂二報。生死無窮。胎生既爾。餘三生亦如是。今於恒沙劫。憶經六道四生來。○度此人身難值遇者。明六道輪回中。受人身難值遇。噫若優曇華始開。甚以希有。安樂集云。問曰。此等衆生。既云流轉多劫。然三界之中。何趣受身為多。答曰。雖言流轉。然於三惡道中。受身偏多。如經說云。於虛空中量受方圓八肘。從地至於色究竟

天。於其量內。所有可見衆生。即多於三千大千世界人天之身。故知惡道身多。何故如是。但惡法易起善心難生故也。如是人身難受。今希得值遇。猶若優曇華始開。此希有義。即成上人身難得。此一句貫於下九句正值。由此思之。難值遇句亦貫下九句。正值二字亦通初可見。乃至七日功成就。四十八願要攝受難值遇。幸正今得值。如優曇華始開。甚希有因緣也可慶。從此人身至四十八願相携。十種難遇法。今正得遇。若此回不到本國者。亦期何時。一失人身萬劫不復。可急歸去來。承前十種正值。急勸同行曰。普勸等。○努力回心歸去來者。善導云。寄言有緣同行者。努力翻迷還本家。今文勢同之。販去來者。歸去來不可留。魔境誘行人。將歸本家之辭也。用淵明語。本家者。是何。次曰。借問家鄉等。此乃從前此界一人念佛名。西方便有一蓮生來。念佛者既西方。有我所住處。此豈非家鄉乎。是曰本家。

又極樂是法性都。還法性言爲還本家。此約迷悟言之。禮讚
解五右八云。本家有二義。一約迷悟。背覺合塵。不知還於本原。猶
如旅寓。今藉彌陀無上方便。往生而成佛。顯現佛性爲還本家。
今言翻迷皈本家。即斯意也。二約本願。因緣佛平等大悲。視法
界衆生猶如一子。從衆生而仰彼佛。則如父母。父母所住處。是
即爲子之本家。舟讚云。父母妻兒百千萬。非是菩提增上緣。念
念相纏入惡道。分身受報不相知。或在猪羊六畜內。被毛戴角
何時了。慶得人身聞要法。須捨他鄉歸本國。父子相見非常喜。
菩薩聲聞亦復然。又云。一到彌陀安養國。元來是我法王家。兄
弟因緣羅漢衆。菩薩法侶爲知識。又云。十方如來舒舌證。定判
九品得還歸。父子相迎入大會。即問六道苦辛事。或有所得人
天報。飢餓困苦。生瘡。兩時彌陀及大衆。聞子說苦皆傷歎等。
此等諸文皆就慈悲門應。知文○彼佛因中立弘誓等四首八

句。選釋集本願章。引明本願念佛易行。唯信文意有具釋可見。
師說云。今引意。顯向莊嚴文云。數九品以收人。其佛名號也。意
謂多聞持戒下智高才。破戒重罪是九品機類。今彼佛名號有
本願。不簡九品機類。聞名念我。嚮迎來。數九品以收人之義。彌
以明矣。今按前文。不如念佛往西方。勸念佛易修。今承之明念
佛是因中有誓願。不簡機善惡。不論罪多少。但回向念佛。願力
轉凡成聖。是故易修易証。今勸念佛意在平此。又可此二偈。顯
上普勸道場同行者之所以。此同行中有貧窮富貴智愚善惡。
持戒破戒惡人。故因中有本願。不簡機故普勸也。又轉凡成聖
益故普勸也。思之。彼佛因中立弘誓者。彼阿彌陀佛因中。法藏
菩薩。立超世無上誓願也。聞名念我者。聞信本願名號。憶念此
名也。總迎來者。總謂都皆貧窮富貴下智高才多聞持戒破戒
重罪等。得金剛信者。總皆迎來也。迎謂向香候。彰他力之意也。

若不生者 來者還來義。還法性之都也。又從法性都為利益來。娑婆界言來。經云從如來生是也。不簡已下彰嚧迎來相。罪根深者。十惡五逆惡人。謗法闡提罪人也。彼佛弘誓總不簡如是等人。總使聞名念我者來生也。○但使回心多念佛者。回心者回捨自力心也。多念佛者。非多積數之義。多是大義勝義增上義。得金剛心言多念佛也。○能令瓦礫變成金者。礫轉凡成聖。具縛凡夫屠屠殺生者殺商賈諸物師之類也沽者賣人也下類。礫瓦礫變成金者。如是下類。信樂彼佛不可思議誓願。廣大智慧名號者。具足煩惱身。至無上大涅槃。礫變瓦礫成金也。已上依唯信文意○寄語現前大眾等七首。承向努力回心。販去來句。而顯聞名念我等偈意。同緣去者。早相尋。聞前歸去來之勸語。欲去者。父子兄弟夫婦。及結契華盛同行同緣者。早可互相問尋也。云何問尋耶。先可問所去處。謂

除彌陀淨土無所去也。所去處是淨土中者。何緣得生彼耶。次可問生因。謂念佛一行為因也。生因既聞。然我罪障深故。次可問縱令念佛。今身多障。如何肯得容彼清淨土耶。謂稱念佛名。滅罪障清淨故。得入清淨土。如千歲闇室一燈。至必明。次可問雖稱名滅罪。而凡夫罪障深重。如何一念消滅。如一燈破千歲暗。謂汝疑名號法德。即是障往生。前不言耶。彌陀有誓願。不簡罪根深。但使回心多念佛。聞名念我嚧迎來。是佛本願也。汝若聞之除疑。深信彼佛本願名號。多念佛者。彌陀不違本願。決定自來親近攝取無有疑。此乃顯明前彼佛因中立弘誓。聞名念我嚧迎來等文也。

○依新無量壽觀經止同法性身

五觀經讚一四句偈廿八首。今於其中。此一首者第廿七下輩讚也。新無量壽者指何經本耶。有云流布讚本云。新無量壽觀

經讀。無依字。依之。六要本亦同之上引淨退觀經讀。及阿彌陀經讀文。次自述兩經讀。故以淨退讀為舊。對彼以自讀曰新也。依流布讀本此義可爾。然今家所覽本。上有依字。而下無讀字。明知新字曰依新無量壽觀經。故知示所依經本。何言對舊讀乎。今按開元綠五三此經凡有兩譯。一曇摩密多宋云法秀所譯。觀無量壽佛經。亦云無量壽經一卷。二沙門曇良耶舍宋云時稱所譯。觀無量壽佛經。亦云無量壽觀經。已上今對前翻經。稱後翻曇良耶舍譯經曰新乎。何以知者。文本卅一右曆本卅四左引元照此經有兩譯之事。恐釋今文乎。六要二本廿八亦有此意。可見。今引意。師說云。上言多念佛。恐人謬為一念難生。多數念佛易生。引此讀一念稱得文。為顯一多俱是不可思議也。文今謂越隔多首。但引此一首者。為遮前如何一念聞中明之疑惑。引下品一念稱號。至彼文證明。謂十惡五逆至愚人。愚人猶言罪人是現身極重罪人。不止現今重罪。曠劫已來久沉淪。重罪

人。猶如千歲冥闇。一念稱得彌陀號。至彼還同法性身者。猶如二燈至則千歲聞忽明。有此明證不可疑也。○法照禪師竟。自下引他師中。一憬興師。二愍官張倫。三台教祖師山陰。四律宗祖師元照。五慈雲。六律宗戒度。七律宗用欽。八三論嘉祥。九法相法位。十禪宗飛錫。此中準一本云。又云慈雲法師云等。原據元照觀經疏所引。今取後慈雲讀云等。故為十段。應知。又標諸師必呼宗名者。為使人不濫真宗正系焉。可謂丁重也。其從師引之無濫。又張倫者在案。故無濫故。二師不呼宗名可知。此之十師文。卷攝五會讀中。然則十師釋。五會讀註脚可見而已。

○憬興師云止所攝所益也

第一憬興師。文中有十一文。初分節經正宗分文也。如來廣說有二。初如來淨土因果。後衆生往生因果。疏中十七左文今引以釋五會讀廣畧隨機歸實相文。二丁右向言彼廣略與通途異者為

之耳。正依大經爲廣說。他經爲略說。悲華經等也。今初引大經廣說。以顯五會讚。佛凡因果廣顯者。無如大經者。故初廣說如來淨土因果者。從佛告阿難乃往過去。下至盡上卷是也。所行者即願行也。所成者願成就相也。後廣說衆生往生因果者。即下卷文也。往生因者聞其名號信心歡喜也。果者即得往生住不退轉等也。所行所成等用淨影也。

○又云悲華經止爲無量清淨已上

二引經。悲華文此明他經略說。六要二末。悲華經寶積二文未。勤得之。懽與疏中五釋女人往生中。論彼土有無有二義。一淨土有佛母。是變化非實。二準悲華經。或有菩薩於彼國。生修菩薩行。即於彼土成等正覺。或有菩薩於此世界生已。修行往他方土。成等正覺。法華龍女亦一類是也。彌陀於此土生修行故。報音聲經等說有父母。於彼土成等正覺。淨土無女人者成

佛世界也云云。然彼疏但言準悲華經而不引經全文。今高祖

引經全文。欲顯他經畧說。故直引本經文以示之。彼經第三十三

說彌陀因願竟言。過去久遠有轉輪聖王。名無諍念王。有一臣下。名寶海梵士。有一

念王供養法藏如來。發心出家。說其所願。是其彌陀因位。爾時法藏如來讚轉輪王言。善哉善哉。大王。

今者所願甚深。已取淨土。是中衆生其心亦淨。大王汝見西方。

過百千萬億佛土。有世界名尊善無垢。彼世界有佛。名尊音王。

如來。十號今現在爲諸菩薩說於正法。彼界無有聲聞辟支佛。

名。亦無有說小乘法者。純一大乘清淨無雜。其中衆生等一化。

生。亦無女人及其名字。彼佛世界所有功德。清淨莊嚴。悉如大。

王所願無異。無量種大莊嚴之世界。等無差別。悉以攝取無量。

無邊調伏衆生。今改汝字爲無量清淨。已懽疏意。準無女人及。

其名字一文。而成淨土無女人矣。今轉用意。因彼四字。以明畧說。

淨土因果。其異可知。

○無量壽如來會云止廣大清淨上已
三所引如來會文憶疏中十七左此亦非全文高祖引以助顯淨土經廣說之義云廣發大誓願者廣說佛因也云具足莊嚴威德廣大清淨佛土者廣說佛果也此乃廣說淨土因果引以助憶師也。

○又云福智二嚴等疏中四十
四釋以大莊嚴具足衆行。令諸衆生功德成就文也。恭敬三寶者即福莊嚴。奉事師長者智莊嚴。以此二大莊嚴已成就故。言以大莊嚴也。○備施等衆聖行者。釋具足衆行。生字疏作聖。依此解之。等言等取戒忍進等。備言釋具足字。謂備足施戒等衆聖行。云具足衆行也。今所引作衆生行。若依此義。則佛具足衆生所修之行也。現点云施等衆生行。意彰佛回向之義。可言等施衆生行。而施等二字倒難讀。恐後人所爲乎。又次以巴所修等

文。顯佛回向煩重耳。以已所修等者。釋令諸衆生功德成就。正顯回向利益他之相也。今引意顯前淨土因果所行所成文。○又云藉久遠因等者。疏下廿七左五釋乃至今世生死不絕。與佛相值聽受經法。又復得聞無量壽佛。快哉甚善。吾助兩喜之文。藉久遠宿因緣。聞無量壽佛名。大慶喜者是往相因也。今引顯廣說衆生往生因也。○又云人聖國妙等者。六釋何不力爲善。念道之自然。著於無上下文。疏下十九右疏云何不力爲善者。勸修往生因。力者盡力。人聖國妙。詎不盡力作善願生。文此次文云道之自然者。修行所得之利。今畧此文引因善已下。成字轉聲加他力点。故知今轉義。以道之自然爲彌陀道。意云因善果號既成。不自力所獲果。故云道之自然也。不簡等者。次上文云唯能念道行德者。今畧之。意云此道不簡男女貴賤。皆使得往生。故云著於無上下。今引顯衆生往生果。故曰皆得往生也。○又云

易往而無人等者。七釋易往而無人等文。疏下右云修因即往
故易往。無人修因。往生者妙故無人修因。求生終不違逆。即前
易往也。文今所引文。句數字數粗有增減。任用引耳。易往而無
人釋。與銘文釋意同。得信心乘本願力。生報土無疑易往也。然
真實信心人希云無人也。今引顯皆得往生也。疏次有自然之
所牽二釋。與今家意別故。今不引用。唯有牒文。由此思之。修因
求生終不違逆等文。釋其國不違違。自然之所牽文。而故云前
易往。銘文曰得真實信心人。大願業力故。自然淨土業因不違。
彼業力所牽故易往。然曰自然之所牽。他力至心信樂業因之
自然所牽也。已準解得他力信樂人。言修因求生。大願業力故。
至心信樂業因不違逆。自然牽使易生故。云終不違逆。即易往
也。○又云本願力故等。八引本願力故釋文。疏中之疏文明。由此
願力生彼土者。皆得三忍。今引意彰前易往自然之所牽。本願

力故易往。大願業力故信因不逆。自然所牽故。有此義故疏釋。
本願力云。即往誓願之力。此乃往為往昔之義。今點為往生義。
彰向易往以可知。究竟願註云願必遂果故。今脫願字也。問何
不引威神力故耶。六要云云。今謂餘四力闕於本願力。卷收則
唯一本願力。為顯前易往。由本願力引本願力已下可知。○又
云懺而言之等。疏下右釋東方恒沙佛國。無量無數諸菩薩皆
悉往詣文。此諸聖往詣顯國土勝。以欲令凡小增往生意也。○
又云既言等。疏下十一釋是二菩薩其號云何止。此二菩薩於
此國土修菩薩行。命終轉化生彼佛國之文。此出勝聖共生證
也。無諍王者彌陀如來。寶海者釋迦佛也。言二菩薩既於此界
修菩薩行。無諍王寶海亦在此界修行。亦可準知也。依今引意。
此二文并顯前所攝攝他方菩薩故。彌陀於此界修行。結緣此
界衆生故。○又云聞佛威德等者。疏下四左釋四十億菩薩得

不退轉之文也。疏云。聞阿彌陀佛威德廣大。此引顯所益也。攝四十億菩薩。使得不退益。故所益也。上來七文爲顯廣說衆生往生因果。即所攝所益之意。引諸文。雖文前後。而但任用引而已。讀者思之。

◎樂邦文類止張掄勸緣

第二總官張掄普勸文。樂邦文類五卷。四明石芝宗曉集。今文出第二卷。四十。總官張掄結蓮社普勸文也。今引意承向五會讚莊嚴文。易修易證真唯淨土教門等以彰之。惣官者歷代沿革云。古州牧之任。秦罷候置守。分天下爲三十六郡。漢晉以來太守以刺史稱。文類序云。乾道中。雲棲株宏往生集云。宋張掄官兩浙都總官。期生淨土。刻勸念佛。闔門長幼靡不從化。鑿池栽蓮。日牽妻子課佛。萬遍。孝宗皇帝親書蓮社二字賜焉。文○佛號甚易持等者。總述易修易證。唯在淨土一門。實萬行中急

要。迅速無過淨土門也。故云八萬四千法門。無如此念佛捷徑也。

○但能較等別嘆。暫時修功得無盡德。清晨者平旦也。遵式

晨朝十念云。每日清晨服飾已後。向西正立。連聲稱阿彌陀佛。

出樂邦文類第四。倦仰是世間低頭仰上之事。僅一旦營務也。持名是永劫不壞之資料也。須較清晨倦仰世事之暇。修永劫不壞之業。

實是用力微。而收功廣大也。念佛三昧詩序惠云。功高易進念

佛爲先。文此類也。衆生亦何下。悲痛勸勵也。初一句悲痛世人

皆自暴自棄。而不持佛號。不願淨土。易持念佛有何所苦。自暴

自棄。不爲永劫不壞之資。嗚呼痛哉。噫。夢幻下。學人命易失。復

難得。勸可修淨土。噫者歎息之詞。此身如夢如幻。都無實事。壽

命天不可久保。在呼吸之頃。出息不待入息。命在呼吸之頃者

佛勸也。安養尼云。人身易失如是。佛告比丘。知人命在出息

入息。爲真知死相。增一阿含。○二失人身萬劫不復者。明人身難得。

竹憲隨筆云。一失人身。万劫不復。此語誰不知之。知之而漫不
如意。與不知同。昔須達爲佛警室。佛視地上螻蟻。而謂達言。此
蟻毘婆尸佛以來。經今七佛。尚在蟻身。夫一佛出世。歷年甚久。
知曰七乎。今徒舉目見世人。比肩相摩。而不知得之難如。是既
得人身。漠然空過。真可痛惜。文義勢同之。

○台教祖師山陰等

第三慶文法師釋。山陰越之地名。會稽山陰人也。慶文是名。號
慈慧法師也。六要云。慈
與者寫誤台教祖師者。非謂台宗血脉列祖。宗承台
教師故讚美云耳。此師作正信法門淨行法門。是行于世。靈芝
爲序。其畧云。比得山陰淨土文二篇。與天台所論理趣無異。足
以警悟來蒙。開决群惑等。正觀
記引○良由等者。以五由明佛名功
德無量。初總言良由顯。由五所由立佛名。五由皆言從。第五轉
聲顯能生之辭也。由者第三轉聲。佛名二字貫五由可見。從良

應身而建立故者。一云真應身。即是報身也。報應眼目異名故。
立一云報法二身爲真。應化爲應身。然則從三身圓證。所立名
號故。前解爲勝。方便法身果號。名阿彌陀故。報身功德無量故。
名號功德亦無量也。○由佛名從慈悲海建立故者。論云正道
大慈悲出世善根生。論註於法性平等之道。起平等大慈悲。從
平等大慈悲。立阿彌陀名號故。平等所攝之相也。慈悲無邊故。
名號功德亦無量也。○由佛名從誓願海建立故者。言一一願
言若我成佛等故。弘誓深如海。誓願不可思議故。名號功德亦
不可思議也。○由佛名從智慧海建立故者。以佛智成。名號。佛
智即名號也。如來智慧深廣故。名號功德亦無量也。○由佛名
從法門海建立故者。法門海者。即三檀四攝六度等。一切功德
法門也。兆載永劫無量功德法。聚成一名號故。由此五由建立
名號故。專稱一佛名。功德無量也。○稱一佛名號。具稱諸佛名

號者。若依天台意。一佛一切佛故。稱彌陀一佛名號。與唱十方諸佛功德等。若依今家意。化土卷云。此德號者一聲稱念。至德成滿衆禍皆轉。十方三世德號之本故曰德本也。彌陀爲諸佛中之王故。稱彌陀處。一切諸佛功德。統攝無餘故。經說見無量壽佛者。得見無量諸佛。偈曰十方三世無量惠。同乘一如號正覺等。我以一心讚一佛。即讚無碍人。可準解。今此中引意。承上五會讚。如來尊號甚分明。十方世界普流行。但有稱名皆得往。及慈悲方便引凡夫稱名即得罪消除等文。顯其意也。

○律宗祖師元照云。止往生因種上已。

第四元照律師文有六。初示自障々他過。述悲憐之結釋文。此文彼觀經疏上_{三十}。初先列義門。令知愍意。中有四。其第四門有五中。第五指濫傳者。多舉有人謬解疑惑。具明自障々他過數條。竟結釋云。我佛大慈開示淨土等是也。次明魔事文。其第

四門解魔說文。先第五後第四文者。由有應上次叙。由此彌知。承上五會讚文來明善。今此文引彰五會讚文。何者名之爲正法等已下意。臨文可知。宋元照律師。住靈芝崇福寺。餘杭唐氏號大智律師。釋行事抄傳南山律。傳見統紀三十。○目見耳聞特生疑謗等者。斥謬解疑惑之人。即照應上不取佛言名外道。撥無因果見爲空文可見。○我佛大慈等者。釋迦佛大慈悲。開示淨土法門。懇勸示付囑。不止三經。徧布諸大乘教。○自甘沉溺者。疑謗罪沉淪三塗。今誹謗淨土門者。自甘三塗苦報也。所以如來可憐也。○良由不知此法特異常途者。顯向念佛三昧是真宗等意。○不擇賢愚等者。明所以異常途也。與上彼佛因中立誓等文。其意同焉。

○又云。今淨土諸經。並不言魔止當生正信。

元照第二解魔說文。又前後具舉魔說摧破。如六要具引文。今

出引正信法門問答之文耳。今引意云。今淨土諸經並不言魔。即知此法無魔明。此乃彰向五會讚。西方進道勝婆娑緣。無邪魔文意也。此下六要依正觀記。粗加解釋可見。○依首楞嚴止發動陰者。彼經第九辨魔事。皆約自心入定精研。經云我今已說。眞修行法。汝猶未識。修奢摩他毘婆舍那。微細魔事魔境現前。汝不能識。洗心非正。落於邪見。或汝陰魔。或又復天魔。或著鬼神。或遭魘魅。心中不明。認賊爲子。乃至廣說五陰區宇。○依摩訶衍論發動外魔者。即馬鳴起信論。通申一代大乘之教。彼修行信心分文云。或有衆生。無善根力。則爲諸魔外道鬼神之所誑惑等。廣如化土卷引文。○依止觀論發動時魅者。天台止觀第八魔事境云。二明魔發相者。通是官屬皆稱爲魔。細尋枝靈不出三種。一者槌惕鬼。二者時媚鬼。三者魔夢鬼。乃至時媚發者。大集經明十二獸。在寶山中修法緣慈。此是精媚之主。權應

者未必爲惱。實者能亂行人。餘文可知。○今念佛三昧乃憑佛力等。此方自力修行。無佛力攝持。爲魔所發動。故有魔。今對此明念佛三昧。憑佛力故無魔障。已下開佛力明十二力和讚云。佛法力不思議。諸邪業繫無碍者。彌陀本弘誓願名。增上緣。定善義釋。增上緣云。衆生稱念即除多劫罪。命欲終時佛與聖衆自來迎接。諸邪業繫無碍者。故名增上緣。玄義云。大願業力爲增上緣。讚文合此兩文。彰大願業力不思議名。增上緣。既大願業力爲增上緣。何魔障有碍者。無魔事明矣。今開此大願業力不思議。以爲十一力。彌以明著。此十一力出在何文。按大經說。彼國諸菩薩德云。因力緣力意力願力方便之力。常力善力定力惠力多聞之力。施戒忍辱精進禪定智慧之力。正念正觀諸通明力。如法調伏諸衆生力。如是等力一切具足。文。菩薩既具足諸力。本佛彌陀豈不具諸力。依此經文。任用舉十一

力。豈不然乎。况念佛人下結破。

○又云二乘極唱止彰於四字上已

元照第三彌陀經疏序文也。挾註元照律師彌陀經義文九字。御本在於格上。○一乘極唱者。即指華嚴法華兩一乘。彼兩一乘之極談。皆歸往生極樂。是故此經是一乘中之一乘也。○咸指樂邦者。慈雲淨土决疑門云。法華妙部。如來觀記往生。華嚴極談。普賢躬陳。回向是也。法華藥王品華嚴行願品。皆指安養爲終歸之處也。○萬行圓修最勝推果號者。華嚴法華所謂。一行具一切行。萬行圓修之法。無過於彌陀德號。此經中獨勸持名。故云獨推也。良以下明果號最勝所以。○從因建願者。五劫思惟本願。經所謂建立無上殊勝之願。○秉志窮行者。永劫修行也。經所謂一向專志莊嚴妙土等是也。○歷塵點劫等者。約堅論時。無芥子地等者。約橫論處。○悲智大度等者。五度爲悲殷

若爲智。○內外兩財等者。頭目髓腦等爲內財。釋上捨身。圍城王位金銀七寶等爲外財。釋上濟衆。○我與緣熟者。本文作機與有異本歟。六要云與字順文。由塵劫濟衆等結緣。機緣純熟也。六度等行窮。上願既滿故。願行功成十劫一時成正覺。三身果滿正覺果號。名阿彌陀佛。萬德彰彰阿彌陀佛之四字也。○四字名號者。元照等依小經文立四字名。音聞說阿彌陀佛故。南無二字通諸佛故。以四字爲今佛別號也。於善導一家不然。六字名號爲別號。經說稱南無阿彌陀佛故。不爾則不成法體願行成就之義。故立爲六字名號。應知。今引意彰五會讚成佛不勞諸善業等意也。

○又云况我彌陀止多功德也上已

元照第四專念持名文。○以名攝物者。宗家所謂。光明名號攝化十方是也。是以者名號攝化故以耳口。○耳聞口誦者。聞說

阿彌陀佛執持名號是也。明不勞餘修行也。○無邊聖德。攬入識心者。聞說阿彌陀佛信之者。名號不可思議功德。攬入行者。識心成菩提心故。云永為佛種。攬者手取也。○頓除億劫重罪者。小經不說滅罪。以觀經成之。○證無上菩提者。經云皆得不退轉。於阿耨多羅三藐三菩提。○信知非少善根等者。諸餘功德為少善根。念佛為多功德。可謂有善導餘風。今引意彰上五會讚。五獨修行多退轉。乃至到彼自成正覺等意也。

○又云正念中止其利在此_上已。

元照第五釋心不顛倒之文。今引影上萬行之中為急用等意。釋顛倒如文。○凡人臨終等者。明凡夫臨終顛倒之相依大論。因前誦佛者執持名號乃至七日一心不亂。罪障滅除淨業內薰故。阿彌陀與諸聖眾現在其前。慈悲加祐令心不亂故。云慈悲外攝心不顛倒也。○脫苦得樂一刹那間者。經說即得往生。

一刹那頃得往生彼國。永脫苦證得無為樂。誠知萬行之中為急用。無過念佛一門。○下文勸生其利在此者。下文釋迦知見此利益故。勸言我見是利故說此言等。此乃不但本師金口說。十方諸佛共傳證者。此之謂乎。

○慈雲法師云止京邑文帶

元照第六所引雲法師文也。此文觀經疏上_左廿二。初先惣列義

門有四中。第四料簡同異。有五門中第五指蓋傳文。前既引云。乃至即是往生因種。今所引次彼文也。一本慈雲上有又云二字。使知同是元照疏引文加二字乎。然上來五文。都引元照文。來。結云已上五門畧標綱要等。則元照疏文不言自知而已。挾註天竺寺遵式五字。真本亦在于格上。天竺寺者杭州古雲上寺。今之天竺寺也。隨時真觀法師之所居也。遵式字知白。天台寧海人。初住寶雲。晚遷天竺。與四明法智同稟學於法雲義通。

傳見統紀第十。所引文即彼師所造。大彌陀懺序文也。樂邦文類第二十四
 今引意即承上慈愍。依般舟經。偈意彰其義。捷真本作捷直。欲
 復本作欲得。遠復本作還復。文初二句。嚙嚙安養淨業修行捷
 徑。欲速成就者。可修此法也。下三處有當修學此法句。廣開勸
 四眾云。若有四眾等。即彰向偈。今日道場諸眾等。普勸道場同
 行者等文意也。○欲復速破無明永滅五逆十惡等罪。當修此
 法者。彰向不簡罪根深之句意也。○次欲得大小戒體還復等
 者。彰不簡破戒之句意。謂破戒則失戒體。大乘思種子 小乘無表色三昧不成。
 若修此法者。戒體還復。而持戒清淨。成就菩薩諸度。故○欲得
 臨終眾聖現前接引者。述向偈。彌陀決定自親近等意也。又可
 觀音勢至自來迎。○古賢法語下元照自釋也。○已上五門等
 結。上示經本傳譯文也。次下欲嘆教故。今一連學示傳譯文而
 已。已上五門者。辨古今廢立分五。一明福觀。二辨定散。三示地

位。四解脫說。五指濫傳。今總結五門也。○按開元藏錄等者。示
 經傳譯文。依開元釋教錄。一劉宋元嘉中。西域沙門蓋良耶舍
 譯初出。二同代闍賓三藏。曇摩蜜多。此云法秀。元嘉中譯第二
 出缺本文。今言前本已亡者。靈芝暗記失乎。又可今前滅本指
 前本乎。時稱下本有十三字。云西域人性剛直寡嗜欲。善通三
 藏。文今略之。○元嘉初等者。疏文云。宋元嘉初。達于京邑。文帝
 深加歎異。勅止鍾山道林精舍。僧舍請譯此經。並觀藥王藥上
 經。含即筆受。今畧但示傳譯時代也。文帝下加深加歎異句。而
 可見也。建考二字為誤耳。今引意為釋。前依新無量壽觀經文
 引之。元照既云前本已亡。對曰亡前本言新經。如上所辨。
 ○慈雲讚云純無一雜。上已
 元照第七引古語。嘆教文。初往生決疑行願門文。出樂邦文類
 四。彼文云佛法有二。一者小乘不了義法。二者大乘了義法。大

乘中復有了不了義。今談淨土。唯是大乘了義。中了義法也。元照觀經疏上右六引此文。簡了義不了義。然無圓頓中圓頓句。或樂邦文類四三。往生淨土決疑門云。今明大乘復有三種。乃至三者佛乘圓教。此教詮旨圓融。因果頓足佛法之妙。過此以往。不知所裁也。經曰。十方諦求更無餘乘。唯一佛乘斯之謂歟。是則大乘中大乘。了義中了義等文。準此文於大乘中。一佛乘名圓頓教。大乘了義中。一佛乘名圓頓。今淨土教圓頓中圓頓也。今淨土門意。上了義指聖道實教。下了義指淨土真實教。故云圓頓中圓頓。笑嚙下之下。四有釋可披。○次大智唱云等者。觀經疏辨大小頓漸文云。一代彌陀教觀。皆是圓頓一佛乘法。更無餘途。今取意引彰前圓頓中圓頓。即圓頓一乘義。今此中引意。彰向十惡五逆至愚人。一念稱彌陀號。至彼還同法性身。意謂下品十惡五逆至愚人。一念稱名轉永劫久塵。速同法性。

身者。一代教中所未談。豈非了義中了義。又彼許圓頓一乘。同一醍醐純圓特妙。今家意彼猶非純圓無雜。許斷惑證理故。淨土真宗。佛因佛果同一法性故。純圓無雜。圓頓一乘故。云圓頓中圓頓。此乃轉用微意也。已上元照文竟。

○律宗戒度云止獲益非淺

第六戒度文法師。受律於元照。晚住餘姚極樂寺。如統紀廿八。作正觀記釋觀經疏。作聞持記釋小經疏。今文正觀記釋下品上生疏。臨終遇緣有二。經題除罪稱名滅罪中。嘆佛號文。記釋也。○稱之獲益非淺者。顯比聞經善。稱佛名利益廣大也。今引意助顯前元照文。我彌陀以名攝物等文。○佛名積功薰修等者。大經云積功累德。無量行願等。即前元照小經疏。行滿功成一時圓證三身。萬德彰於四字之意也。

○律宗用欽云止須收於彌陀

第七用欽文。統紀廿八云。用欽居錢唐七賢院。依大智學律門。其示衆曰。生弘毗尼。死歸安養。出家爲道。能事斯畢。即標心淨。土一志不退。日課念佛至三萬云云。用欽作白蓮記。釋觀經疏。清定引作超玄記。作小經疏。并不流行。不得其本。今文未知所出。初文助顯元照。萬德懋彰於四字之文意也。後文助顯前元照之。万行圓修。獨推於果號等文。願行佛果等。就一即一切。圓修解之可見。○不得一切者。證得一切法不可得故。實相本有。全休顯現故。大願發無相願。永劫修行亦修無行之行。成佛亦證無得菩提。淨土亦住非莊嚴國土。現以無神通之神通。廣長舌相亦是無說之說故。勸信言當信是稱讚。不可思議功德所護念經。由此言之。恐是釋不可思議德文文歟。故結言豈容心思口議耶。私謂下約諸佛同道。明佛之同入不可思議功德。稱一佛名。即是與稱一切佛功德齊等故。諸佛所說不可思議功德中。攝

於彌陀二報。及持名行法之功德。又約佛則彼諸佛中。亦各々收彌陀也。須臾一本作須臾。當知戒度用欽二師文。近彰元照文。是格上釋云。元照之弟子也者。顯此義也。又知受法宗承而已。

○三論祖師嘉祥止滅無量

第八三論嘉祥文。嘉祥吉藏法師。傳見續高僧傳十三。此文彼師觀經疏釋也。然六要云。禪林古德十因。衆罪消滅之段引之。今家在世彼疏未行故。依十因引之乎。文易知。已下三師文引用意。直顯上念佛三昧之德也。初二師文。顯念佛三昧。滅罪生善之最勝也。

○法相祖師法位云止此有何惑上已

第九法相法位師釋也。法位法師相宗之人師也。然傳記未詳。此師著大經義疏。望西大經疏往々引之。常樂臺主時世。此疏

尚現行于此。以故六要鈔。具引前後文。今世滅沒未行遺憾哉。
○從初至名亦如是。明名休不二德。○若信佛名等。彼師意云。
若疑惑不信。然由信罪福。修習善本願生者。尚得往生名曰胎
生。况今決定信樂稱佛名。十念相續決定往生。有何疑乎。

○禪宗飛錫止曰三昧王焉。

上已

第十飛錫禪師文。草堂寺飛錫禪師。傳見宋僧傳第三。然未詳
師承故。統記亦編入未詳承嗣傳中。是以近來風潭。難言禪宗。
笑螂下之下九會云。禪有_二如來禪_一。有_二祖師禪_一。今如來禪。非少林
直指祖師禪。故云禪宗無有失云云。今彼師著述。念佛三昧寶王
論文也。王有_二最上之義_一。統歸之義。念佛三昧。是一切善根之中。
最上究竟功德故。名三昧王。又此念佛三昧。是菩薩万行之所
統歸。一切万行元首故。亦名三昧王也。上引諸師於十師文尾。
引飛錫者。上來諸文。皆結歸五會讚之證也。所以然者。肇云念

佛三昧深妙門。終云念佛三昧是三昧王。首尾一貫以助證真
實行也。五會讚云。如來尊號甚分明。十方世界普流行。諸師所
言。亦傍輔弘如來尊號。普流行之一端。其功亦不可覆。是以傍
引助顯真實行者也。問曰。凡漢土三祖中。鸞師有_二引肇公_一。於西
河則列中國三藏。此土大德。曠歸淨土之文。此二祖有時用餘
師釋義。終南和尚。特不見用他師。片言隻字有_二之_一。玄義盛破諸
師。至_二定善義_一云。或有_二行者_一。將此一門之義。作唯識法身之觀。或
作自性清淨佛性觀者。其意甚誤。絕無少分相似也。禮讚雖偶
用彥悛。亦只不過辭句耳。其餘具書。皆但引佛經。不用人師說
故。言不可信。用菩薩等。不了義說也。祖意若此。然此中證淨土
真實行。旁廣及諸師者。何亦得無戾和尚意邪。解云。雖則聖道
人師門別不同。而各弘念佛。其用功於普流行。亦不可蔽焉。是
以乘前如來尊號普流行文勢。而取其可取。然猶恐時人未得

其意。蓋失宗途。係之於光明師部下。後善導文。進則不蔽其功。退則不隱其失。褒貶抑揚。各得其處。可謂盡心矣。覽者須詳究識得。得其眼髓也。因問南岳天台等諸師。多崇重念佛。南岳製立誓願文。而誓獨留念佛。現在又天台止觀。既有若唱彌陀。與唱十方佛功德等文。况臨終學觀經首願。乃云四十八願莊嚴淨土等。不可言無普流行功。此中何意不引用之耶。答曰。此兩師。雖崇念佛。而門別不同。彼是理念佛。又止觀。唱名。稱兼觀正為本。吉水自出於天台。不取天台。吾祖專受承吉水。亦是辭台門。歸入淨門。專守宗意。頻捨舊執。不顧。為此義。故不引用之。亦何不可之有焉。已上二問。答余述師說。

第六楞嚴和尚文有四。一念佛證據文。二禮拜門文。三菩提心利益文四。他力往生利益文也。

○往生要集云。止得生極樂。上已。

初念佛證據門。集下本。廿念佛證據門中有十文。此中出第二

第三第四之三文。○雙卷經者。觀小二經各有一卷。大經有兩卷。故云雙卷經。一本作雙觀經。非也。初三文是念佛證據之文。為要集一部至要。此三文。橫川本意無盡不罄。故而舉三文。以顯橫川本意。後三文釋初三文而已。今此三文。此承上善導玄義。言弘願言者等。及觀念法門。攝生證生二文。來中間隔。越五會讚已下諸文。直連接善導。第五祖第六祖義意相接。無間容髮。甚深巧妙。非言口之所及也。由之言之。要集序云。依念佛一門。聊集經論要文等。言念佛一門者。似天台念佛。然今念佛證據門中。所明念佛者。全與善導所立念佛無異。云四十八願中。於念佛門別發一願。又云乃至十念等。是豈觀正稱助之理念佛乎。明知僧都本意。在於善導所立念佛。然機緣未純熟。故未開淨土一門。自標天台沙門。而未立淨土宗名。身自居台門。不言依善導。但言念佛一門耳。然至念佛證據門。顯其本意全

用善導。有此義故。吉水大師。依要集指南。入念佛門。正依善導。開淨土一門。橫川本意。至吉水大成矣。宜哉吾祖。立爲第六祖。其意在于此焉。今此中亦繼于善導。顯其本意者。只斯三文也。學者思之。雙卷經上有二之字。今文脫耳。○初三輩一向專念文。承玄義言弘願者文來。何者一切善惡凡夫人。即是九品衆生。卷九品爲三輩故。皆乘大願業力爲增上緣。即是一向專念無量壽佛故。○次四十八願中別發一願文。承上所引觀念法門攝生緣。如無量壽經四十八願中說。若我成佛十方衆生等來。云乃至十念等。○後觀經極重惡人文。承向所引證生緣。欲使善惡凡夫。回心起行盡得往生意來。此三文中初二文彰法。三輩一向專念。是釋迦廢立。別發一願。是彌陀選擇。并唯在念佛一行故。後極重惡人文彰機。然選擇集釋三輩章有二途。一約念佛門。二約諸行門。各引要集以證之。吾祖全承吉水。化土

卷以三輩爲十九願成就者。約諸行門義也。今所引文約念佛門。爲三輩皆念佛。並是吉水相承義。末學唯知今家約諸行義。而未知有今文約念佛義。可謂疎漏也。然三輩合說三願十九廿十八。雖言三輩通一向專念。此一向專念。亦可通廿願念佛。若然則何爲淨土眞實行之明證。故次引別發一願文。成弘願眞實念佛。別發一願者。即是第十八願。此乃彰法眞實也。如是法眞實。蒙何等機耶。正極重惡人爲所被機。是以引觀經極重惡人文。彰機眞實。此文下三品取意。集下木第七。念佛利益門。明彌陀別益中。具引下三品。明稱名往生故。至第八證據門。取要畧引也。

○又云心地觀經六種功德止圓融萬德尊上巳。二禮拜門文。集上末廿四大文第四。正修念佛中。修五念門。此其禮拜門文也。文云禮拜門者。即三業相應之身業也。一心歸命

五體投地。送禮。西方阿彌陀佛。不論多少。但用誠心。乃至或應依心地觀經等。何以引此文耶。今引彰前一向專念無量壽佛。其義幽玄。何者要集意。引天親五念門。為正修念佛。三業相應贊嘆。三業相應禮拜。身業三業相應作願。意業為正修念佛。故所云一向專念之念。是非但口稱念。如實修行相應。三業相即念佛也。善導云一向專稱彌陀佛名。亦三業相應口稱。如下品稱名是也。今禮拜亦非。但身禮。三業相應禮拜。如韋提接足作禮是也。今欲彰要集本意。在三業相應。如實修行念佛。故更引禮拜門釋焉。心地觀經第二卷。六文也。圓滿下集有一切二字。今按引此文。以釋一向專念相。六箇應念言。即專念之相也。謂前言一向專念者。為唯稱。即三業相應口稱為專念。今以三業相應身禮。彰專念相。蓋約相續釋專念相。一向專念相。即是正修念佛也。正修念佛者。三業相應專念。宗家所謂口常身常心常。彼

此三業不相捨離。是為他力一向專念。為顯此義。引此文也。○或應依心地觀經六種功德者。彼經出第二十。紙又善戒經第六。四。供養三寶說六事亦同之。今初出所依經。○一無上大功德田者。三藏法數卅三初釋田義云。此八種。即八福田。謂佛身人僧名。敬田身此名恩田。救濟病人名病田。亦名悲田。皆堪種福故名田也。若人能盡力從事此八種者。亦猶農之力。田則獲秋成之利也。已俱。舍頌疏十八五云。佛及羅漢名為德田。謂具諸勝德。及亦生一切有情勝功德故。上。八福田中佛為最上。名無上大福田。○無上大恩德者。妙句。七之一云。佛恩普被。猶如雲雨靡不覆潤。佛恩普載。猶如大地靡不生成。生即當分增長。釋論慈行鈔。一。引清涼疏云。諸佛菩薩始自發心。普緣眾生。鈔釋云。佛具十恩。難行苦行。二難行苦行。思猶如慈母。思苦吐甘。謂捨眼目。體腦國城。兼三一向為他思。曾無一念為於自。垂形六道。而垂形六道。入三。以一身救已。由如慈母。但令子樂。自殺不辭。見其造惡。如割支體。六大悲深恩。救一切眾生。隨遂眾生。五隨逐眾生恩。長劫不捨救護。

卷之三十一 雜品第一 第七

愛德神云。譬如有人。唯有一子。愛念情至。忽
見被。人割。截。支。體。其。心。痛。切。不。能。自。安。等。迄。成。正。覺。隱。其。勝。德。七。隱。隱。彰。劣。恩。
相。海。難。稱。無。盡。之。德。並。隱。不。彰。但。云。百。劫。修。成。卅。二。相。三。十。四。心。新。見。修。成。五。分。
法。身。初。圓。如。老。比。丘。同。五。羅。漢。故。法。華。說。珍。飾。服。身。蔽。垢。衣。執。除。糞。器。往。子。處。
以。貧。所。樂。法。誘。攝。拯。救。八。隱。實。施。攝。恩。四。顯。一。乘。隱。不。見。其。憐。恻。示。
迹。涅。槃。九。隱。具。現。應。恩。故。法。華。云。若。見。如。來。留。餘。福。教。以。濟。危。苦。十。隱。念。無。
盡。恩。謂。世。尊。同。人。中。壽。應。壽。百。歲。留。廿。年。福。以。庇。末。法。弟。子。等。自。頂。至。足。從。生。至。死。皆。佛。之。應。斯。德。何。
可。報。耶。具。斯。十。種。故。云。大。恩。已。上。○三。無。足。二。足。及。以。多。足。眾。
生。中。尊。者。涅。槃。經。南。本。疏。廿。二。十。四。云。善。男。子。如。一。切。眾。生。若。二。足。四。足。
無。足。中。如。來。為。最。大。論。廿。七。出。曜。經。十。五。六。日。云。佛。為。第。一。尊。無。
足。有。足。一。足。二。足。四。足。至。眾。多。足。有。色。無。色。有。想。無。想。乃。至。非。
想。非。無。想。如。來。於。中。為。尊。等。文。喻。伽。八。十。三。日。無。足。有。情。者。如。
蛇。等。二。足。有。情。者。謂。人。等。四。足。有。情。者。如。牛。等。多。足。有。情。者。如。
百。足。等。已。上。○四。極。難。值。遇。如。優。曇。華。者。本。行。集。經。云。何。私。陀。佛。
自。大。王。曰。如。優。曇。鉢。羅。華。無。量。無。邊。億。百。千。年。時。一。出。現。佛。又

如是。已。阿。含。經。云。當。觀。如。來。出。世。如。優。曇。鉢。羅。華。已。上。○五。獨。出。
三。千。大。千。世。界。者。如。天。無。二。日。國。無。二。王。一。三。千。界。中。無。二。佛。
並。出。希。有。大。法。王。也。如。北。本。涅。槃。卅。四。五。處。胎。經。第。四。廿。說。○
六。世。出。世。間。功。德。圓。滿。一。切。義。依。者。一。切。義。依。者。義。謂。事。義。依。
謂。所。依。歸。依。則。一。切。事。成。中。論。疏。九。末。云。如。來。者。此。品。一。切。義。中。
最。為。精。要。今。大。小。乘。人。發。心。信。佛。念。佛。歸。依。佛。作。佛。弟。子。求。佛。
道。識。佛。則。一。切。事。義。成。若。不。識。佛。不。求。佛。一。切。事。壞。故。須。精。誠。
佛。也。已。上。念。佛。三。昧。經。云。世。間。眾。生。無。歸。趣。時。出。現。於。世。與。眾。生。
作。大。歸。依。又。云。一。切。世。間。歸。依。處。文。具。如。是。等。六。種。功。德。常。能。
利。益。一。切。眾。生。者。經。結。文。也。集。主。云。經。文。極。畧。今。須。如。音。以。為。
禮。法。文。今。云。依。此。六。種。功。德。信。和。尚。云。為。言。○一。應。念。等。者。無。
上。大。功。德。田。為。所。依。一。稱。南。無。佛。等。者。法。華。方。便。品。語。種。一。稱。
佛。名。之。因。得。成。佛。道。大。果。實。無。上。大。功。德。田。也。八。種。福。田。中。佛。

恩最上故。云無上大功德田也。○二慈眼視衆生者。法華普門品文。以慈悲眼等視衆生也。平等如一子者。涅槃經文。合二經文。極大慈悲母爲所歸。所謂無上大恩德。前十恩中。不顯自身垂形六道。大悲深重恩。皆如慈母見一子故。○三十方諸大士等者。大經曰東方恒沙佛國。無量無數諸菩薩衆。皆悉往詣無量壽佛所。恭敬供養。乃至南西北方四維上下。亦復如是。十方諸大士往詣恭敬者。由彌陀十方諸佛中之最上尊故。今無上兩足尊。爲所恭敬。此乃於無足二足多足尊中。兩足尊爲所隔。玄讚三四云。佛於二足多足無足一切中尊。今云兩足尊。於三類中。兩足爲貴。能入道故。謂人天類亦兩足故。云兩足尊。佛居人間化物人間易入道大論同之群疑論二廿引華嚴經云。諸佛平等。皆是一切行滿。本願滿方成正覺。號兩足尊。此行願滿足。光明句記三六七十分爲二釋。○四一得聞佛名等者。聞佛名號。希有爲難值遇。今

別彌陀爲極難值遇者。小經說極難信法。故以爲所禮。○五一此云百俱胝界二尊不並出者。準俱舍增數。十萬云洛又此云十洛又爲度洛又十十度洛又爲俱胝百。故一俱胝當百億也。百俱胝當萬億。又可俱胝此云億。一百俱胝即百億國。一大千世界有百億四天下。云一百俱胝界。梵網云一華百億國。一國一釋迦等。二尊不並出者。問何故二尊不並出乎。答善戒經三九曰。一土之中。終無二佛一時出世。何故菩薩初發心時。作如是言。唯我一人。能令無量無邊衆生。斷煩惱垢。入於涅槃。以是願力。獲得果報。如來能爲三千無量世界。說法教化。調伏衆生。是故一土無二佛出。若一土中有二佛出者。衆生不能樂修善法。不生恭敬難遭之想。若見一佛。則得生於不思議心。是故一土無二佛出。已希有大法王者。金剛判定記三廿具說四種希有。一時希有。曠劫難逢故。法華云諸佛與出世。懸遠值遇難。二處希

有。三千界中唯一佛。百億四天下須彌日。月六欲。其中唯一佛。此方而現也。三德希有。福惠超絕。勝無上故。四事希有。大慈巧方便。現種々身。演無量法門。隨根利益故。取今時處希有也。大法王者。獨步法界。於法自在。喻之王者。法華云。我為法王。於法自在。一世界無二王並出。唯一佛希值故。希有大法王。為所歸處。

○六佛法。眾德海等者。語出仁王經。舊經教化品。新經菩薩行品。彼云。佛眾法海。三寶藏。無量功德攝。在中文。嘉祥疏三。廿一云。佛眾下一行。嘆一。體三寶。包含蘊蓄稱之為藏。無德不備故。云攝在其中。已佛法眾判三寶名。德海者。世出世一切功德圓滿。為一切所依處。故曰德海。三寶一體。真如三世同一休故。以圓融萬德。尊為所歸也。

○又云。彼利質多樹。止所不能及。上已

二菩提心利益文集上末。廿八。作願門申明菩提心利益。集初有譬如二字。今脫耳。今但有譬說。不引合法文。合法文如六要引。此為有

意可以辨之。○文波利質多樹華者。出舊華嚴五十九。此云香遍樹。苑音。北本涅槃經云。第廿九。三十三天有波利質多樹。其樹入地五由延。高百由延。枝葉四布五十由延。乃至開潤之時。香氣周徧五十由延。光照遠照八十由延云云。俱舍云。圓生樹華。○瞻旬華者。具云瞻旬迦。此云黃色華。其華有香氣。而形似梔子華。○波師迦華者。此云夏生華。亦云雨華。此華雨時生故。今引此譬。以彰前三輩之業。淺深不同。皆勸一向專念。故不引合法文。一向專念無量壽佛。譬之香遍樹。一日薰。三輩諸行。譬之瞻旬波師迦千歲。不及香遍樹一日所薰。蓋彰念佛一法。迥秀於諸行也。

○又云。如一斤石汁。止出菓實。上已

四他力利益文。集下末。廿一。第五臨終念相中。初引安樂集七。際。次自學十。際。以明他力益。顯往生利益中。今引第三第五第

八三。噉亦無合法文。以彰上文。故○初石汁譬出華嚴五十九
 二云。譬如一兩阿羅波藥。變千兩銅。以為真金。新經云。有石汁
 名阿宅迦。演義鈔。此云金色水。甚於九轉金丹之力。大論四十七。紙云。譬如石汁一斤。
 能變千斤銅。為金文。此以別發一願。譬之一斤石汁。以革凡成
 聖。譬之變銅為金。本願名號力。能變煩惱具足凡夫。轉為法性
 身。蓋彰法眞實妙也。○次雪山有草等者。出北木涅槃廿七
 紙。南木廿五。三四十等。○次尸利沙等者。出北木涅槃三十五。
 南木三十二。玄音云。尸利沙即是。此間合昏樹也。又云舍離沙。
 此云合歡。文尸字現。本作月誤矣。昂星者。廿八宿之中。第十八
 西方星也。此二噉者。以牛及尸利沙。噉之極重惡人。以忍辱草
 及昂星。噉之佛名號。食之。見之。噉唯稱彌陀。得醍醐。出菓實。噉
 之得生極樂。蓋彰下機利益也。
 第七祖圓光大師文有二初標宗要文後總結文

○選擇本願念佛集

源空

云南無阿彌陀佛

往生之業
念佛為本

今引此二文。則一部宗要。悉皆在于此中。初文中釋題號。如餘
 處。此中特彰。選者名者。為因人重法。故為感戴師教恩厚。故謂
 吾邦開真宗。弘通選擇本願念佛者。唯源空聖人耳。由斯弘通
 故。今得幸遇真宗。深知其洪恩。故彰尊諱。告之遺弟而已。選擇
 本願念佛者。即是第十八願中心。如本願章。寓之紙筆。以傳後
 世。名之為集。○南無等十四字。總標一部宗。下十六章段。正釋
 此標宗也。首標六字名號。做讚彌陀。非歸敬三寶等例。唯標
 往生之業法體。往生是果業。是因。選擇本願念佛之法體。在干
 名號六字。以令知其宗要。若約今家意。教行信證佛身佛土之
 法體。唯是南無阿彌陀佛也。今引意淨土眞實之行。選擇本願
 之行是也。此承前段別發一願等意。來○言往生之業念佛為
 本者。此八字。全取要集總結要行文。中末以彰宗要。元祖八念

佛門原以要集爲指南故。示不忘其本也。佛本選擇往生淨土業。因以念佛定正定業。故稱佛名。即與佛本願相應之行也。爲本者本之言對末。念佛是本願。正定之業爲本。諸行爲廢爲助。而通於人天及十方淨土。非決定安樂之因。不名爲正定業。故爲末。若約佛意論本末。則選定稱名一行。爲往生之正業。此爲本意。故決定鈔云。弘誓四十八。而以第十八願爲本意。雖爲攝機故。發修諸功德之願。而非佛本意。故以諸行爲末也。一本作先。化土卷末云。元久乙丑歲。蒙恩恕。分書選擇。同年初夏中旬第四日。選擇本願念佛集內題字。并南無阿彌陀佛。往生之業念佛爲本。與釋綽空字。以空眞筆令書之文。今家相承作本字。爲正也。問今家常談。言信心爲本。相違如何。有說云。所望不同。非相違。若念佛諸行論本末。則念佛爲本。諸行爲末。高祖念佛諸善比校。論四十八對。即念佛爲本之義也。若行信論本末。則

以信爲本。以行爲末。信心具行。行不必具信。元祖云涅槃之城。以信爲能入。乃信心爲本之義也。又念佛爲本之言。具足信行。外對聖道門。而立念佛宗。信心爲本之言。簡孤行矣。內對念佛人。而勸不共信。相望各別。而非相違也。已上。又有說云。此念佛從稱我名號而見之。稱念佛名也。從重願不虛而見之。眞實信心也。前聖後聖。其揆一也。雖然念佛爲本之語。含二力迷執難分。信心爲本在唯眞實。愚鈍易入。是以一願之中。雖信行双存。今家去行就信。殊爲眞實信願者。其意在于茲矣。不可不知。已上。

師說
○又云夫速欲離生死。至依佛本願故。已上。

後總結文。此總結十六章文也。選擇集一部內。雖分爲十六章。初三章爲宗要。第四章已下十三章。爲成立初三章義設之。是以至總結處。就初三章結之。初四句結第一分別淨土章。次八

勺結第二分別二行章。後四勺結第三本願章。結此三章。則自十六章義所結。故爲總結文。○初中速欲離生死五字甚重。大師從一脫塵寰已來。日夜求出離生死之要道。入黑谷報恩藏。周覽一代藏經五返。唯爲求出離生死之道。然猶未得其要道。更復閱之三返。及善導八卷書。終得一心專念彌陀名號等。深喜末代出離之要路。唯在此一門。十六門出。由此思之。初五字述其素志矣。集第一章引安樂集云。曠劫已來可逢多佛。何故未出生死輪回火宅耶。答云。由得二種勝法。不排生死。今總取第一章意結之。二種勝法者。聖道門淨土門是也。文中三下選字。初選觀經厭苦忻淨位也。次選觀經正宗位。定散兩門。後選大經三輩。一向專念位。望佛本願意在求生選應專正定業者。即釋迦廢立。廢捨家業欲等餘行。說一向專念無量壽佛。此廢立出自彌陀選擇。第十八願不誓餘行故。爲顯此義。用三選字。選已契選擇法。

體。說之云。依佛本願故。佛本願者。指第十八願。必得往生之義彰於斯願。其所以依之也。今引此文。結歸前往生之業。念佛爲本義。其意可見。

教行信證略讀第五

教行信證略讀第六

行卷第四

淨信院道隱師述
齋藤聞精師校閱

○明知是非凡聖自力行至無別道故上已
引師釋中。上列七祖釋竟。已下二私釋。此中亦二。初結勸。后廣
會此初也。初中亦二。一正結勸。二是以下引證。○初中明知等
者。上來廣引諸祖釋。證明選擇本願大行故。如來回向行既明
也。知非行者自力之行。故云明知。畧文類引大經二論竟云。聖
言論說特用知。非凡夫回向之行。是大悲回向行故名不回向。
與此同焉。舊解以此一段為選擇集之助釋。六要今不取也○
非凡聖自力之行者。真實信心之稱名。從本選擇本願之大行。
往相回向之行故。非稱而擬往生業。故非自力行。釋云阿彌陀
佛者即是其行是也。稱名而唱顯彌陀回向之全體。不以回為

我往生行。故名不回向。不回向言。彰非自力行之謂也。故讚云。真實信心ノ稱名ハ。彌陀回向ノ法ナレハ。不回向ト名テソ。自力ノ稱念キラハル。文。故知如來回向之法名不回向。不行者所作回向故。與選擇集回向不回向對釋。稍異思之。○大小聖人等。勸使一切凡聖。捨自力歸他力回向也。承上凡聖語云。大小聖人重輕惡人。唯信文意云。大乘聖人小乘聖人。善人惡人一切凡夫。皆共以自力智慧。無到大涅槃。勸入此如來智願海也。大乘聖人者是聖也。如十四佛國菩薩往生。小乘聖人者。玄義云。法報高妙小聖難階等。讚云願力成就ノ報土ニハ。自力ノ心行到ラテハ。大小聖人ミナナカラ。如來ノ弘誓ニ乘スナリ。重輕惡人者是凡也。下三品惡凡夫。下上下中爲輕。下々品爲重。上學聖人下學惡人。自顯中間定散善人。前凡聖言惣攝一切故。信卷本_三廿誠是非大小凡聖。定散自力之回向故。名

不回向也。今此中勸意。真實報土以自力心。不可得生故。一切凡聖皆悉回心已自力心。捨而齊應歸他力回向得往生也。皆同言通大小凡聖也。○選擇大寶海者。選擇本願之行。真實功德大寶海也。○應念佛成佛者。用五會讚語勢。以顯不假修善功。安樂自然速證法性之國德。故讚曰信ハ願ヨリ生スレハ。念佛_一成佛_一自然ナリ。自然ハ即十報土ナリ。證大涅槃ウタカハスト者此意也。○是以論註曰等后引證。即證同齊應歸之義。如來正覺淨華之所化生者一果也。同一念佛者一因也。此眷屬功德文。對有漏雜業差別。得四生若干果。顯由同一念佛。得同一化生之一果故。大小凡夫皆同。應歸佛因佛果一念之他力回向也。如六要。

○兩者獲真實行信。至可行斯也。

後廣會中亦二。一廣會師釋。二兩因緣此初也。○兩者承上時。

獲真實行信者等者。會合上所引十住論。前引云。如得於初果。究竟至涅槃。菩薩得是地。心常多歡喜。故名歡喜地。今會合信心人。謂念佛行者。攝取不捨故。決定至無上涅槃。故多歡喜。亦可名歡喜地。雖凡聖異。而其歡喜同故。是顯初果等者。明心多歡喜之所由。前文云。如得初果者。如人得須陀恒道。善閉三惡道門。究竟至涅槃。斷見諦所斷法。故心大歡喜。設使睡眠懶惰。不至二十九有。今牒其文。比况小乘初果。尚睡眠懶惰。不久。既生死。何況歸命選擇本願行信者。攝取不捨故。此回厥次。至無上涅槃。豈比不至第八有耶。廣超三界。廣絕輪回。豈不歡喜耶。故名歡喜地。攝取不捨。故名阿彌陀者。合善導禮讚名義文。如上所引。是曰他力者。顯攝取不捨。攝取不捨。故入正定。聚必至滅度。曰橫超他力。故鸞師言。佛力住持。入大乘正定。聚。今以攝取不捨他力。言之者。有意。顯雖入必定不退。非斷惑證。

理之不退。非位不退。非處不退。唯是彰蒙光解者。心不退。冥益。為此義。會合名義文。可謂巧妙矣。○是以等者。會合龍樹易行品文。及鸞師論註文。是以者。攝取不捨。故入必定。一生必至無上覺。攝取不捨。故現入正定。聚之數。非凡眾攝。故會合二師。應知。○仰可等者。結勸。可憑斯者。須憑他力。可行斯者。可行念佛也。○良知無德號。至可知。

二明兩重因緣。良知者。承前歸命斯行信。名攝取不捨故。明之句。明光明名號。因緣。故云良知也。因緣有兩重。初重約獲信。因緣。第二重約得生。因緣。並取。礙於序分義。據法龍樹及禮讚等。成兩重。序分義。顯行緣中云。若無父者。能生之因。即闕。若無母者。所生之緣。即乖。若二人俱無。即失。託生之地。要須父母緣具。方有受身之地。既欲受身。以自業識為內因。以父母精血為外緣。因緣和合。故有此身。以此義。故父母恩重。文取此語。勢顯兩

重因緣也。初重中前所引十住論中云。般舟三昧爲父。又大悲爲母。又云生故名爲父。養育故名母。義從此來。○德號慈父等者。名號爲因。光明爲緣。是獲信因緣也。名號內薰爲因。有生義。喻之慈父。光明照觸爲能生緣。有養育義。喻之悲母。故云德號慈父。光明悲母。○能生因者。能生即因持業釋。名號佛智入於衆生心中。成信心故。曰三信以至德尊號爲體。○所生緣者。信心爲所生。所生之緣依主釋也。經云遇斯光者。乃至柔軟歡喜踊躍。善心生焉。○能所因緣等者。第二重得生因緣也。禮讚云。以光明名號攝化十方。但使信心求念。文。觀念法門。見佛緣中云。至誠信心願心爲內因。又藉彌陀三種願力以爲外緣。內外因緣和合故。即得見佛。文。依此等文義。設第二重因緣也。謂光明名號能所因緣。還爲外緣。故光明名號父母爲外緣。云。眞實信心爲生因。而得報土眞身。喻之業識。阿羅耶業識。

託母胎。受惣報果。體故。云。眞實信心業識爲內因也。○光明外緣可然。名號爲內因。亦爲外緣。其義云何。答。天台論觀境。有兩重能所。譬如置紙於盤。以槌打之。槌爲能打。盤爲所打。是盤槌爲能打。紙爲所打。止觀兩重能所亦復如是。今順解。光明名號雖內外因緣。對信心生因。則還爲外緣。元來父母業識。喻取少分相似。喻不盡其全分。今且寄父母內外因緣。影從光明名號。得信心。往生報土。理實佛名號。入衆生心中。爲信心。非如父母因緣外。別有自己妄心業識。而受生。但以譬喻不能盡他力。全休故。次引禮讚文。決其義。云。故宗師言。光明名號等。似行者信求念往生。而即是光明名號。能使信心求念。以之可知。信心業識。亦非自己妄識也。故知禮讚文。成上因緣義也。○又云念佛成佛。是眞宗者。五會讚文。合善導宗意故。后善導亦攝之善導言。又云。念佛三昧。到彼自然成。正覺故。言念佛成佛。是眞

宗。今引證成得證報土真身之義也。○又云真宗難遇者。散善
義文。佛因佛果名真宗。向兩重因緣。顯佛因佛果之義。故引顯
此義。○可知者。上來所引七祖釋。示真宗念佛奧義。彰念佛成
佛之直路。可知此義也。

○凡就往相回向至易行至極

上來廣引諸文意。以下第五釋行相。亦有五。一正明。二引文。三
釋義。四結益。五重顯念相。此初明真實大行之行相也。有說云
上明往生淨土因緣。未知一念即業成耶。多念積功而業成耶。
是故此中料簡信行一念。顯業事速成之理趣。示選擇易行之
宗致。此明一念大利勝德。而非遮多念相續稱名。若執一念業
成。而遮多念者。大背經意。若言非多念積功。則不得往生者。亦
非經意。當知深信一念業成。而一形相續報洪恩。故云以一念
無上之佛智。為凡夫往生之極促。以一形憶念之名願。為佛恩

報謝之經營是也。云云樹心上若言業事成辦者。可在信樂開發

處論之。若在此論之者。為行一念而業成耶。大背宗意。所言信
行一念分齊。未分明也。師說曰。領受南無阿彌陀佛回向行信
處。云行一念信一念。謂領得正覺果號。無疑信受名信一念。其
信口發。一聲稱名。行一念。此行信不相離。為正意。若信行不
離者。何分爲二者。言信與行曰。御誓。真實行之願。真實信之願。
分兩願。故信行分爲二。而本行信不離。故曰行信二。二ツト
キケトモ。行ヲハナレタル信モ候ハス。信ヲ離レタル行モ
ナシトオホシメスヘシ。文此釋可細心精究。問行既有一多。
信亦有多念耶。答一云欲知信之多念。即行之多念是也。以信
行不離故。文觀上之二
十九節合勘一云信貫始終。唯是一念故。不得說言多念。
行涉相續。故說為多念。雖言信行不離。行之多者其信相耳。而
非謂信是有多念也。末灯抄云。行ト申スハ本願ノ名號ヲ。一

聲トナヘテ往生スト申スコトナキ、テ。一聲ヲモトナヘ。若ハ中念ヲモセンハ行ナリ。コノ御誓ヲキ、テ疑フ心ノ少モナキナ。信ノ一念トマフスナリ又此中釋行言一聲十念。釋信但言一念。未見信有多念一文。言行多者。一念多念分別事中。出一念多念之證文。言信唯一念者。始從一念歸命至臨末。一貫一念信。收之信樂開發一念耳。信卷末云。一念者。斯顯信樂開發時尅之極促。彰廣大難思慶心也。此文初顯言顯一念。后彰言彰其一念延至一形。然則廣大難思慶心者。從一念歸命至臨命時。指爲一念。收之則信樂開發極促也。窺此等祖判。於行論多念。信但一念。不可言多念也。已上。此亦就信行不離論之。二種一念所立分齊未分明。具如別章今略之。初三句標。言行一念者下釋。○初標中凡就往相回向行信者。此卷首云。雖按往口口自有六行有大信。今就其行信。分兩一念。此乃

約回向法體法依者信。○行則有一念。信亦有一念者。釋迦述成於兩處故。言行有一念。信有一念。○言行之一念者等。今標行信有一念。今且明行一念。其信一念至信卷明之。行一念者。信卷釋信一念有二釋。義准行一念亦有二。一約遍數二約行相云云。○謂稱名遍數等者。正明行相也。稱名遍數者。從上盡一形稱名。下至三念五念。一二三稱名。故云乃至一念。其遍數極少爲一聲。是曰易行至極。故下釋云。彌勒付屬一念。即是一聲。僅極少一聲。得無上功德故。一多證文云。一念者彰功德極。是故寄稱名一聲。顯得不可稱不可說大功德。爲選擇易行至極也。問若爾促命終刹那。不及一聲死者。及拔舌瘡瘻。言教不行不能唱之類。爲行一念缺。不具無上功德耶。答。理實信樂開發一念處。佛智回向功德。悉具足圓滿無所缺。然唯佛知見。非凡夫所知。何以得知具足功德。是以寄稱名一聲。顯其選擇

易行至極。故不能一聲者。亦信樂開發。則自得具足大行功德。今寄稱名一聲。示具足功德大寶耳。就猶寄。故不相違也。問言一聲具足無上功德者。二念已上多念稱名爲無用耶。答一念既得無上功德。二念得二無上功德。乃至百千萬億念。得百千萬億無上功德。故說曰不可思議功德。念々聲々雖教不同。於無上功德無有缺減。故選擇集云。既以一念爲一無上。當知以十念爲十無上。又以百念爲百無上。又以千念爲千無上。如是展轉從少至多。念佛恒沙。無上功德復應恒沙。應知。

○故六本言至無上功德_上

二引證二。初經後釋。此初引經證。吉水集是爲念佛利益文。今家判爲彌勒付屬文。彌勒付屬之義。出於異譯經。以彼照此。今言佛告彌勒者。付屬之辭也。今付屬之彌勒者。昔告未來次如彌勒行者。是以七祖傳持此佛語。弘通之將來。七祖即次如彌

勒人也。高祖和讚奧。和述此付屬經文。而列七祖名者。此意也。

○其有得聞彼佛名號者。其言嚙指上五善五惡人。及十四佛

國諸菩薩。及未來衆生。○得聞彼佛名號者。與第十八願成。聞其

名號無異。一多證文_{法要二}釋云。本願ノ名號ヲ信スヘシト

釋尊トキタマヘル御ノリナリ文。○歡喜踊躍者。示獲信之

相。證文云歡者身悅。喜心悅。踊謂跳于天。躍謂跳于地。悅意因

極之貌也。至此彰得正定聚貌也。○_{正字通踊躍者跳也。大爲躍小爲}

乃至一念者。選擇集云。今此言一念者。指上念佛願成就之中

所言一念。與下輩之中所明一念也。願成就文中。雖云一念。未

說功德大利。又下輩之中。雖言一念。亦不說功德大利。至此一

念。說爲大利。曠爲無上。當知是指上一念也。此正指願成一念。

故知前後同是信行具足。然願成一念。聞名處彰信樂開發。決

定真因時尅。故說即得往生。不說具足功德。若不具功德行。則

何即得往生。既說即得往生。明知具足功德。然隱不說者。彰往生真因。決了為主故。信因決了時。尅說為一念。是故高祖是為信一念。今至此一念。說功德大利者。即彰前真因。決了一念。具足功德大利。亦是應說。聞名一念。即得往生。而不說者。推之前。但以彰一念具功德為主故。是以高祖此一念為行一念。此乃一箇一念。於兩處分說。為信一念。行一念。其意可見。有云經文前段胎生者。必執多念。為對治彼機故。就稱名行。體說一念大利。此義未可也。又有說。前一念為信一念者。真實信心願成就故。言為信一念。又流通一念。付屬彌勒。非就行。體難付屬。故流通一念為行一念。此機此說未甘。兩一念分齊也。證文云一念者功德之極。一念万德。悉備万善。皆攝文。此約事先竟一念釋之。○當知此人等。證文云。言當知此人者。顯信心人言也。為得大利者。證無上涅槃故。亦言則是具足無上功德也。云云。今

謂信心人。具大利功德。則是住正定聚。與願成。即得往生。同為○無上功德者。即不可思議功德。嘆不可思議功德。言無上功德者。即是第十七願之相。於于此乎。知此文真實行願為主。選釋集云。此大利是對小利之言也。又無上功德者。是對有上之言也。行卷三十引之云。信知大利無上者。一乘真實之利益也。小利有上者。則是八万四千之假門也。文此且從相對入絕待。故。小利有上為所對也。今則約絕對門。顯示大行之全体。故。第十七願。諸佛所讚。不可思議功德。曰無上功德。豈不絕待哉。

○光明寺和尚至故名深心上已

二釋文。初引三文。後引禮懺儀文。○初中下至一念者。散善義文云。從具此功德。已下。正明修行時節延促。上盡一形。下至一日一時一念等。或從一念至一時一日一形等文。此約時節延促。故一念言通信行也。○又云一聲一念者。上所引禮讚文也。

文云一日下至十聲。乃至一聲一念等必得往生文。一聲即行也。一念即信也。○又云專心專念者。散善義云專心念佛。或云一心專念。○文合舉。專心即信也。專念即行也。此彰乃至一念言含信行也。○智昇師等。后依懺儀抄。出和尚釋也。唐京兆西崇福寺智昇法師。未詳何許人。傳見宋僧傳第五。信卷本^{四十}引貞元釋教錄云云。然依智昇引善導禮讚不止此。行卷^{廿一}信卷本^十。化土卷本^{廿二}並依之。何故不引禮讚現文。而依智昇師引之耶。謂有深意乎。按智昇法師。唐代之龍象。然彼集諸經禮懺儀下卷。全編入善導禮讚。題云集諸經禮懺儀。然則尊善導禮讚如佛經。高祖深為推尊。故數々引禮讚。皆依智昇引之。此乃守一如佛經法之金言。故善義未仲為彌陀直說。信仰之至矣。○此中即信機信法文也。今言信知。散善義云深信並同。信機信法不相離也。信機中散善義云無有出離之緣。今禮讚文云善根

薄少。似少有出離之善。天台云。衆生無始恒居三道。於中雖無一尋種類。雖有微少善。自力修善不能出離生死。故云無有出離之緣。如六要○信法中下至十聲等者。准信卷所引及懺儀本。十聲下脫一聲字。御本及信卷所引一聲下有聞字。六要云。聞字恐是展轉寫誤文。○乃至一念等者。及字可依。乃。十聲一聲者即行也。乃至一念是信也。經言乃至止形無二行也。

三釋義有二。初正釋。后會合。此初也。○經言乃至等者。選擇集云。乃至與下至其意惟一。經云乃至者。從多向少之意也。今文全用之。○復乃至者。一多包容之言者。別設此一釋。唯信文意曰。乃至ハカミシモ。オホキ少近遠久ミナオサムルコトハナリ願文乃。一多証文云。多キナモ少キナモ。久キナモ近キナモ願成。先キナモ后ナモ。ミナカチオサムルコトハナリ願成。

釋也。以可見。今釋信卷云攝多少之言。亦同。今釋文類聚抄釋流通文云。乃至者兼上下畧中之言也。此於其一物。越隔中間。兼上下。而上下其体同一故。例如言不了佛智。乃至勝智。行一念乃至。上盡一形是行。下一念亦行。於行中。兼上下。略中云。乃至。今家乃至。有此三義。今從多向少外。更別設一多。包容一義者。經文多含。不止從多向少義。又有從少向多。從上向下。從下向上等義。是以別設一釋。吉水釋用善導釋。以下品十聲。顯本願乃至十念。故用從多向少義。若但執此義。則經文有不通暢。是故為顯經文多含。別設一義。使經意通暢而已。○言大利者等者。次釋無上大利功德文。大利者等者。全承撰釋集文云。此大利者是對小利之言也。然則以菩提心等諸行而為小利。以乃至一念而為大利也。又無上功德者。是對有上之言也。以餘行而為有上。以念佛而為無上也。乃然則諸願求往生之人。

何廢無上大利念佛。強修有上小利餘行乎。又集約行以諸行為小利有上。今約教故。八万四千之假門。為小利有上。又彼以念佛為無上大利。今約教一乘真實利益。為無上大利也。八万四千假門。即聖道權假之方便也。一乘真實者。即是悲願一乘也。一乘真實利益者。一念即破無明闇。速到無量光明土。證大涅槃。為無上大利。故一多證文云。言為得大利者。證無上涅槃故。亦曰。則是具足無上功德文。○釋云。專心者等。准信卷意。有成上起下意。何者。信卷末。光明寺云。一心專念。又云。專心專念。次釋願成文。竟將明會合云。宗師云。專念即是一行。云。專心即是一心也。然者願成就一念。即是專心等。今文體勢亦同于信卷。由此言之。今此釋乘前釋經大利無上便。而釋成上所引師釋。以起后會合故。次此云。今彌勒付屬一念等。故云。為成上起下也。釋云。專心者專念者。牒釋上所引光明寺釋。

也。專謂專一之義。一多證文曰專ハヒ。心念即信行。合此信行一說。
一念。此一段意也。○形無二心等者。一多證文釋一心專念云。
一心金剛信心也。專念者一向專修也。信卷云宗師云專念。即
是一行也。云專心即是一心也。文全與此同。專心即一心形無
二心者。離雜修自力之心故。信心無二心。云形無二心也。○專
念即一行形無二行者。拋雜行雜善。專修一行。云形無二行也。
信卷於信一念。雙舉信行。今亦於行一念。信行雙舉。此乃爲示
行不離信信不離行。專心專念并釋。以起后會合文。
○今彌勒付屬至南無阿彌陀佛也。
後會合也。彌勒付屬之一念者。牒經文也。○一念即是一聲者。
合禮讚一聲言也。○一聲即一念者。合散善義下至一念文。○
一念即一行者。亦合散善義專念文。云專念即一行也故。○一行即正行
者。簡雜行。言形無二行故。○正行即正業者。簡助業以顯正中

之正。言正定之業者。即是稱佛名故。選 ○正業即是正念者。一
念無疑得正念。合禮讚乃至一念無有疑心文。言專心即一心
形無二心故。正業會信也。○正念即是念佛者。念佛即信行不
二。機法相即之謂。以會念佛爲本之文。○念佛則是南無阿彌
陀佛者。終歸名號法体。即是會合選擇集標宗之文。上來從行
入信。從信歸六字法体。信行不二機法相即。他力之極。莫以加
焉耳。

○爾者乘大悲願船至可知

第四結益。所謂一乘真實之利益。冠絕一代所說。彼爲權假方
便。亦名有上小利。此爲一乘真實。亦名無上大利。今彰其一乘
真實。無上大利之益。此中初四句。明行者發信稱名之相。后四
句。明當來證益也。○初中乘大悲願船者。信大悲本願。願之乘
船。船有運載義故。願之大願業力。序云難思弘誓。度難度海之

大船是也。○浮光明廣海者。一發信心。頓光明中所攝取。譬之浮海。光明無量。智惠光明。無量等。無邊際。解脫光輪。無邊等。能不簡機悉攝照。喻之廣海。○至德風靜者。名號至德如草靡風。無一切功德不販名號。故以德况風靜者。應上海字。靜者是躁之反。言異乎自力稱名。勵已功。躁求得生。他力稱念。非策勵求往生。但安住佛智。稱念不可思議德海。喜佛恩如海上風之靜也。又可至德風靜者。形容他力自然。相續念佛之相。鎮勸用心。西山善。惠房作。睡テ一夜ナアカスモ。報佛酬因ノ床ニアカシ。覺テ一日ナクラスモ。弘願內證ノ内ニクラス。乃。急キ勵ンモ快シ。正行増進ノ故ニ。懈リ倦ンモ快シ。正因圓滿ノ故ニ。文可思合。今ハ攝取ノ光明ニ催サンテ。自然念佛ハトナヘラル、トノ玉フ是也。○衆禍波轉者。如風既靜。則逆波轉不興。發信一念三世業障消滅。而念々稱名相續。無煩惱逆波為障。序所謂至德嘉號轉惡成。

德是也。○破無明闇等。四句。明當來證益。於中前三句自利願成。后一句利他廣濟也。○破無明闇者。應上光明句。序曰無碍光明。破無明闇惠日也。前光海學攝取益。其破闇益著於此耳。○速到等句。應前乘大悲願船句。乘願速到彼國。不退之風航也。○證大涅槃句。應前衆禍波轉之句。四暴流悉轉。為滅度。故○遵普賢之德者。利他廣濟。即是大涅槃之悲用。和讚云。到願土速證無上涅槃已。即與大悲名之回向文。如是往相還相大利。曰一乘真實之利益也。○安樂集云。至依聖教上已。第五重顯念相。有說云。引文會違。上來成立一念業成之義。若爾何故。願文云。乃至十念。又觀經云。具足十念耶。故今引文會之。○一數者。謂一箇方便之法數也。○使業道成辨者。論註云。業事成辨。道者因也。事者依也。業因事依成就辨立故。言十者。

是圓滿之數。非一二九十之謂。故往生之業成辨。則一念即足。是名十念。依大日經疏。釋住如是法。則誦三落刃之文。云。三落刃是數。是世間也。出世間三落刃。謂身口意三淨相。名三落刃。由具此三淨相。故名三落刃。若不爾者。徒口誦遍數。無所益也。今言十念亦如是。但至心稱名。一念即成往生業。名為十念。非遍數之十。故云不勞記數。已上。有說云此重明念相續之相。既釋乃至云。一多包容之言。然則不可局一念。故云乃至十念。延一念則十念相續。說一說多俱佛語。故引安樂集十念相續文。顯願文乃至十念。問何故不引願文乃至十念文。而引十念相續之師釋耶。又行信兩卷中。不釋乃至十念文。何耶。○答云。真實信願之中。以信尊行。假令有乃至十念言。只是信相。而不可曰大行。故此不引之。今却就師釋顯之。須知此意也。集文初約佛知見。一多並是不可思議。后約行者相續。今所引文是也。於

中又二。一如教奉行。就法自然。二行者用心。約機修入。初中聖者一數之名耳等。十念相續者。非凡夫妄執一二九十之數。釋迦大聖知見。說如是至心具足十念。只是聖者一數之名耳。非謂行者數念為十。行者邊但能積念凝思。不緣他事耳。○凝思不緣他事者。謂決定心不轉異境。但能無他相間雜。則自業道成辨。釋迦知見之說。具足十念。此約法自然。○次又云等者。約機之修入。久行人者。要集所謂念佛功積。運心年深者是也。多應依此者。應依法自然也。○若始行人等者。念佛未薰習者。記數亦得。依聖教故。○聖教者。木槌子經等。說稱三寶名字。以木槌子記念數是也。如要集所引。已上。前說明業道成辨為本。后說十念相續為主。各據一義。今謂若為明業事成辨。引此文者。可直引論註文。云經言十念者。明業事成辨耳。不必須知頭數也。十念業成者。是亦通神者言之耳。但積念相續。不緣他事。便

罷。復何暇須知念之頭數也等。此業事成辨爲主。故今不引之。安樂集意。十念相續者。不局頭數。不緣他事。專至相續爲十念。此乃便顯願文乃至十念。故今引集文。願乃至十念之義。何以言之。高祖意乃至十念。明不定遍數。此即與集十念相續同趣。銘文云乃至十念。トマフスハ。如來ノ御誓ノ名ヲ唱シコトヲ勸メ玉フニ。遍數ノ定リナキホトヲ顯シ。時節ヲ定メサルコトヲ。衆生ニ知セントオホシメシテ。乃至ノ言ヲ十念ノ名ニソヘテ。誓ヒ玉ヘルナリ文。又一多證文云。本願文ニ乃至十念ト誓ヒタマヘリ。ステニ十念ト誓ヒ玉ヘルニテ知ルヘシ。一念ニカキラストイフコトヲ。況ヤ乃至ト誓玉ヘリ。稱名ノ遍數サタマラストイフコトヲ文。又唯信文意云。乃至十念ノ誓ノ名號ヲ稱ソ人。若我國ニ不生ハ。佛ニナラシト誓玉ヘルナリ。乃至ハ上下多少近遠久ミナオサムルコトハ

ナリ。多念ニ心ヲ止メ。一念ニト、マルコ、ロチヤメンカタメニ。未來ノ衆生ヲ哀ミテ。法藏菩薩カチテ願シマシマス御誓ナリ文。以此等意可知。乃至十念者。顯稱名遍數無定。是故引安樂集顯之。集意不須記頭數。只念々相續。他想無間雜。曰十念相續。集次文明念相狀云。雖著脫二心。但有一心作渡河方便。無餘心想間雜。行者亦爾。念阿彌陀佛念々相次。無餘心想間雜。或念佛法身止。或念佛本願。稱名亦爾。但能專至相續。不斷定生佛前文。當知一念決往生。憶念佛本願。念々相續不雜。他想爲之念佛相續。今爲顯此義引而已。若爾經何說具足十念耶。鸞師通云。經言十念者。明業事成辨耳。集云是聖者一數之名耳者。註云通神者言之者。通神者指佛世尊。佛知見下品惡人。八十億劫罪已消滅。而成辨往生業。方便說具足十念也。是聖者方便一數也。方便一數者。理實一念亦能。可滅八十

億劫罪。然不說一念滅罪。言十念者。爲示五逆罪重。此人具十八十億劫之罪。故除十八十億劫罪。故說具足十念。於念々中。除八十億劫生死之罪。佛能知其除罪業成。方便言具足十念。如唯信文然則十念業成。即是一念業成可知。此明他力念佛。不意終具釋可記頭數。后明記不記中。久行人者。指他力信心行人。始行人者。指自力專心行人。應知。

○斯乃顯真實行。至大行也可知。

第六結嘆也。初句總結上也。誠知已下四句嘆釋。本願選擇之正業故。云選擇攝取之本願也。第一希有之行故。依十住論文云超世希有之勝行也。万行圓修。最勝獨推於果號。故元照圓融眞妙之正法也。但稱一佛名號。則是具稱諸佛名號。功德無量。法華故云至極無碍大行也。文類云選擇攝取之本願。無上超世之弘誓。一乘眞妙之正法。万善圓修之勝行也。

○言他力者如來本願力

第七追釋要義二。一明他力義。二釋一乘海。六要云重釋也。雖有此釋。未明承接。今按前廣會中。云攝取不捨故名阿彌陀佛。是曰他力。又釋無上大利。云一乘眞實之利益也。承此二文。自下追釋他力義及一乘海。初中亦二。初一句辨体。論註下文。引三願證他力云。以斯而推他力爲增上緣文。今依此意。彰本願力爲他力之体也。○本願力者。因果合稱。如不虛作住持註。

○論曰言本願力者。乃勿自局分也上已

后引文中二。初論註。后元照。此初也。○論曰言本願力者等。論曰出第五門者。以大慈悲。觀察一切苦惱衆生。示應化身。回入生死園煩惱林中。遊戲神通。至教化地。以本願力回向故。是名出第五門上。註釋論以本願力回向故文。云言本願力者等。是非論文。何言論曰者。註中顯論註亦稱論。是註論体製猶如註經。

安樂集引論註爲論曰。亦此意也。○示大菩薩於法身中等者。解本願力有二意。一約未則菩薩自願。二覈本則阿彌陀如來本願力。下云菩薩人天所起諸行。皆緣阿彌陀如來本願力。故是也。註意約未故言大菩薩。但是八地已上菩薩。在法身中。住首楞嚴三昧。示現種種神通說法。不虛作住持註云。下。平等法身者。八地已上法性生身菩薩也。此菩薩得報生三昧。以三昧神力。能一處一念一時。遍十方世界。種種供養種種示現。種種教化等文。○譬如阿修羅琴音曲自然者。彰八地已上無功用。大論十七云。法身菩薩度生說法。而菩薩心無所分別。如修羅琴常自出聲文。今約引用別意。則大菩薩者。從一如法海。現形示名。法藏菩薩是也。猶同毘盧舍那十身。示現菩薩身。現種種身者。或示法藏菩薩。或無諍念王等。教化地亦是法藏菩薩。第五門功德相也。○菩薩入四種門等。明利行滿足。依註意約末。明五

念修行菩薩。成就入出二門。故点云入四種門出第五門。今引意。約法藏菩薩。明自利利他成就。点云入四種門出第五門。入謂遊入之義。謂法藏菩薩爲衆生。故示現遊入。而於永劫禮拜等四種功德成就。曰自利滿足。出於第五回向門。利他行成就。經說令諸衆生功德成就。是也。故二門偈云。菩薩入出五種門。自利々他行成就。不可思議兆載劫。漸次成就五種門。又曰云何回向心。作願不捨苦惱一切衆。回向爲首得成就大悲心。故施功德文。○由自利故能利他。由利他故能自利等者。顯自利々他同一時滿足。而無前後。佛正覺由衆生往生成就。衆生往生依佛正覺成。凡佛不二正覺故。○菩薩如是等者。今依轉聲意。明示現十劫正覺。自利々他行成就故。速得菩提法。菩提是所覺道。能覺智名佛。故曰以得此菩提。故名爲佛。今速得菩提。即是得早作佛也。早作佛即速成正覺也。所謂以后其身而身先

故。名巧方便是也。○阿名無等者。釋佛所得菩提道。即是彌陀正覺所得道也。○經言十方無碍人。一道出生死者。證一無碍道。即出六十華嚴難明品。八十華嚴問明品。十方三世無量惠同乘。一如攝化隨緣故。若干十方三世。乘無碍一如。來成正覺。此道即一切諸佛所證之一如。一無碍道也。佛知見達生死即涅槃。煩惱即菩提不二法門。名無碍道。凡佛不二。因果不二。久近不二。是名入不二法門。維摩經 ○問曰有何因緣等。師說云。顯久成本門。緣大悲因緣故。數々發願速成正覺。偏以本地法身。為最勝強緣云云。詳云此解可謂過矣。上來論彌陀自利々他者。源出于此問答。今正引其本證明。何以久成十劫為本末耶。廣略二書嘆云。宗師顯示大悲往還回向。弘宣他利々他深義是也。然則今引用要也。前言他力者本願力也。亦正依此文。然彌陀彌陀他力回向。正在此文。是以如是可解義也。問意問速

得菩提之所由。答引三願證速得之義可知。○答論言修五念門行以自利利他成就故。此論文得他利々他深義之張本也。○然覈求其本等。審明求尋其衆生。二利速成之根本。彌陀本願力為強緣。故得速成也。彌陀為本衆生為末。有說久成為本。十劫為末者。可謂鑿矣。何以得知。○他利之與利他。談有左右等者。於佛與衆生分。左右就所學論文語勢。正顯示佛利他願力為本也。何約佛久近乎。他利利他有何差別耶。一說云。若佛任運為增上緣。衆生得其利益。名為他利。若佛為他發願修行。衆生蒙其恩德。名為利他。更引唯識曰。自性身正自利攝。亦兼他利。為增上緣。令諸有情得利益故。自受用身唯屬自利。若他受用及變化身。唯屬利他。論註顯深義記 今謂此尚未盡理。佛任運為增上緣者。此亦自佛而言。何得言自衆生而言。宜言他利乎。有說云。言他利者。衆生為他佛為自。以衆生自力利益故云他利。

是故云自衆生而言宜言他利。即衆生自力也。唯識言自性身亦兼利他者。以自力他力法界力三種分別。則屬法界力。即真如內薰而非他力也。言利他者。佛利益他衆生。故云利他。是故云自佛而言宜言利他。即如來願力也。言今將談等者。簡他利衆生力也等。已上。今詳曰此義。以他利々他。爲自力他力義者。未詳。若爾何言談有左右乎。止觀等有左右語例。於一物體。自左言之。自右言之。雖言殊。其物體唯一物。於一体言左右耳。自力與他力大徑庭。何言有左右。此未解。談有左右語耳。今按彌勒問經論等中。皆他利々他。但一物。或他利言利他。或利他言他利。但是一物耳。於他經論可然。今依此論語例。利他言於佛成就邊言之。論十七句終云。略說彼阿彌陀佛國土。十七種莊嚴成就。示現如來自身利益大功德力成就。利益他功德成就。故云。又明佛八種功德。竟云。略說八句。示現如來自利々他功

德莊嚴文。明知利他言於佛言之。准此從衆生邊可言他利。是此一論語例也。今此中論文。言自利々他成就故。不言自利他利。以此語見之。今將談佛力。是故以利他言之。今就他利々他語例論左右。約衆生則爲他所利。故曰他利。約佛利他衆生。故曰利他。於同他力中。談左右論本末。顯佛力爲本。弘宣他利々他深義者。其此謂乎。○凡是生彼淨土等。下正明衆生往生因果。即佛本願力爲本。生彼淨土者。往相因果也。及彼所起諸行者。還相及四種正修行等也。何以言之等。明緣佛本願之所由。謂四十八願是爲衆生。若非佛力則四十八願爲徒設。發願既不虛設。明本願成衆生往還因果矣。○今的取三願下正引證。於中第十八願證往相因。第十一願證往相證果。廿二願證還相回向。舉此三願則餘願皆攝之。高祖加佛光壽名號願。以爲真實五願者。原本于此焉。○十念念佛便得往生者。註上第

十八願。與下品十念合引。由此思之。今文亦通下品十念。云十念念佛等。准論文。可以五念爲行因。何以與下品十念合。十念念佛出行因耶。謂延十念念佛。則爲五念。故云源空眼五念。南無阿彌陀佛也。五念卷收。則十念念佛爲往生因。且約極短命機言之而已。具釋願文。如信卷。今略之。生無爲涅槃國。則無三界輪轉之事。成速證一證也。○住正定聚。故必至滅度者。依師意。則住正定聚。近門益。必至滅度。宅屋二門益。似漸次。此且寄菩薩修行漸次。分初后。理實初后不二。三種成就。願心莊嚴。畧說入一法句故。初生刹那。究竟無上涅槃。然不妨下因門起。菩薩修行。是以註初。佛力住持入大乘正定聚。此亦近門爲初入。似有次第。實不次第之次第。從果降因相故。依今家意。住正定聚。屬第十八願。爲信心利益。故曰至心信樂之願。正定聚之機。是爲信益。則現生密益。滅度爲彼土益。若然彼土爲無正定

聚耶。謂有然從滅度起。因行。從果降因。正定聚。與諸佛國從因向果。正定聚。大各別。故說衆生。生者。皆是阿毘跋致。可知。釋此願文。如證卷。○無諸回伏之難者。安樂集伏字。作復音通用。歟。華嚴經華界品云。如水洄復。與此同矣。回復是展轉五道。輪轉生死之相。今緣滅度願力。無此難。故成速得二證也。○究竟必至一生補處者。此還相回向之願也。證卷曰。言還相回向者。則是利他教化地益也。又證卷曰。謹顯真實證者。則是利他圓滿之妙位。無上涅槃之極果也。此彰初生即極之義。從其無上涅槃之極果。降一等。現因門。爲必至補處。此就因之極。顯還相悲用。○除其本願已下。明自在化悲用。若不欲住補處者。隨其樂意。或地前地上等。示現種種身。如其所願。除字二義。一義云。其本願自在化二句。爲所除。爲衆生故。已下明補處德。二除字。至正真之道。爲衆生故。已下至正真之道。爲自在化之德。依

今家后義爲正。願成文云。彼國菩薩皆當究竟一生補處。除其本願爲衆生故。以弘誓功德而自莊嚴。普欲度脫一切衆生文。讚彌陀偈云。除其本願大弘誓。普欲度脫諸衆生文。依此等文。除字至正眞之道。願經意。今家点亦爾。然有至修習普賢之德一本。三經往生文類自点。至正眞之道句爲正也。超出常倫下。通上二種。此二種俱名還相回向也。○被弘誓鎧等。明三精進。如願文記。瑜伽四十二明三精進。一擐甲精進又名被甲。擐被義同。故如來會願文云。被莊嚴甲成就云。擐大甲冑。諸菩薩於加行精進之前。其心勇悍先擐誓甲。我爲脫一切苦。於百千俱胝劫處。那落迦不在餘趣。修我勇悍無退屈。即被弘誓鎧句是也。二攝善精進。諸所有精進。能爲施等諸度加行。成辨施等。今積累德本句是也。福德莊嚴也。集如來法藏是也。三饒益有情精進。即今度脫一切是也。遊諸佛國等二句。開攝善精進即上求

也。開化等二句。開被甲及饒益有情精進可知。○超出常倫等。今家点云。超出常倫。諸地之行現前者。莊嚴瓔珞等所說。菩薩五十位等爲常倫。○諸地之行現前者。內凡外凡。三賢十聖。初地乃至八九十地等諸地行。隨其意樂起修行。一々位皆融通無碍故。云修習普賢之德。圓融不碍。行布不碍。圓融者。普賢之德也。○以斯而推下結三證也。緣本願力爲他力。至此決定焉。○當復引例等者。上本願他力之義已彰了。復更引例。審自力他力之相。可謂丁重之至也。○受持禁戒等者。戒助禪成。由禪得神通遊四天下。此乃漸次修得神通。爲自力也。劣夫自跨驢。不能上虛空。不假已力。但緣輪王自在力。乘虛空遊四天下。無碍爲他力。遊四天下。願成佛。以自力修行。漸次至佛果。爲自力也。從佛願力。願從輪王自在力。由他力成佛。名爲他力。劣夫跨驢。願出大論。○愚哉后之學者。指勸將來也。愚字御本亦

同之。十二門論僧叙序。遇哉后之學者。恐依之乎。若爾則愚字可作遇。后人寫誤乎。愚哉應勿局分句可解。言既有他力可乘。何局分自力。於他力不生信心愚哉。

○元照律師云等

二引元照文。觀經疏上初出。今引以助顯論註自力他力之義。前論註自力他力之義分明。而未分此土修行彼土得生。以元照助之。彌明白故引而已。

○一乘海者至誓願一佛乘也

第二釋一乘海有三。一釋一乘。二釋海字。三重辨相對顯一乘海。初釋一乘中亦三。一正釋。二引證。三結釋。此初正釋也。一乘海釋所從來。有云前引大智云。圓頓一乘純一無雜。今承來釋之。今謂上云大利無上者。一乘真實之利益也。其真實者即是論主釋。言真實功德大寶海故。一乘真實功德大寶海。為一乘

真實利益。故得其意。牒言一乘海。故知遠承論主功德大寶海。及一乘真實之利益文來。合提釋也。問一乘是約教。其在教卷。今何在行中釋之耶。答教以佛名號為體。教行不二。為顯此義。在行中釋焉。更有深義。可思擇矣。○言一乘海者。一乘者大乘者。體。乘。體。即名號也。法華意一乘即大乘也。華嚴意始終頓三為大乘。唯圓教名一乘。一乘深大乘淺。今准天台意。言一乘者大乘也。○大乘者佛乘。已下。勝曼經。宋求那跋陀羅所譯。勝曼經十四云。大乘者即是佛乘。是故三乘即是一乘。得一乘者得阿耨多羅三藐三菩提。阿耨多羅三藐三菩提者。即是涅槃界。涅槃界者。即是如來法身。得究竟法身者。則究竟一乘。無異如來無異法身。如來即是法身。得究竟法身者。究竟一乘。究竟者。即是無邊不斷。乃至十五。若如來隨彼所欲。而方便說。即是大乘。無有二乘。二乘者入於一乘。一乘者即第一義上。今

文造語本於彼義則轉用。寶積經百十九四勝曼夫人會。同本異譯可合勘。今依宋譯經本。大乘是經即者佛乘本經是故三者簡彼二乘所得。佛果所得名佛乘。今按莊嚴論等。釋大乘彰七大性。此是果大性也。大乘教行信證。即是一佛乘因果。下誓願一乘言。流于此可見。若因若果。無有非誓願一佛乘之。所回向成就故。○得一乘者得阿耨菩提等者。彰一乘證果。即是報土真證也。如來會云。若當生者皆悉究竟。無上菩提到涅槃處文。到無為涅槃界。曰得一乘也。○涅槃界者即是究竟法身經作如。涅槃界者即是真實智慧無為法身故。生涅槃界者入一法句。究竟無為法身也。○得究竟法身者則究竟一乘者。至涅槃界入一法句。究竟無為法身。與佛證果無異。故究竟一佛乘。故安樂國聖眾所得。說云究竟一乘至于彼岸。○無異如來無異法身者。本經意涅槃界。即是如來法身故。得究竟法身者。則究竟一

佛乘。如來即法身。法身無異如來。如來無異法身也。今家点云。無異如來無異法身。師說云。下引華嚴法王唯一法文。由此言之。今家彰十方三世唯一法身故。現釋迦大日等一切諸佛身。而唯一彌陀本地法身故。無異法身無別如來義。此乃今家轉用微意也。上已今又可到涅槃界。究竟如來法身者。從如來生示現法報化種々身。而唯是一法身。無別異如來法身也。○如來即法身者。究竟一乘名為法身。又如來也。○究竟一乘者。即是無邊不斷者。彰上究竟一乘句。故本經云。究竟者即是無邊無斷。無邊橫遍德。不斷豎常德。是言為究竟。師說云。上所引論註。一聖心遍知。二法身遍滿。若身若心無不遍者。今無邊之註也。究竟一乘者。顯周遍法界證。故云無邊也。不斷者。如來者湛然常住。不墮三世數不斷。故莊嚴經云。彼如來者。來無所來。去無所去。非過現未來文。大經曰。何不力為善。念道之自然。著於无

上下洞達無邊際。無上下即不斷德。無邊際是無邊德也。安養聖衆。到涅槃國。究竟一乘。而契無邊不斷者。道之自然也。今又可無邊是光明德。不斷是壽命德也。今究竟無爲法身。究竟一乘者。歸如來光壽無量證果也。○大乘無有二乘三乘等。依勝曼經下文^{十五}。然本經無三乘二字。今加之者有其意。法華說無二^{聲聞}亦無三^{加菩薩}。今與此異。所謂二乘者。聲聞乘^{緣覺}之菩薩乘爲二乘。大經說聲聞或菩薩。二乘非所測。故言三乘者。於聲聞菩薩二乘。加聖道一乘。並皆爲歸悲願一乘。權假方便。故流通文說諸佛敎道菩薩勝法。此菩薩乘外開諸佛敎道。諸佛敎道者。即是聖道一乘。依此義故。更加聖道一乘爲三乘。大經序分。聖道一代半滿權實法。寄來會菩薩說者。諸佛敎道。攝於菩薩勝法中說。流通開之爲聖道一乘。及菩薩勝法。序分合爲二乘。流通開爲三乘。淨土經說大異于諸經所說。今顯此意。

也。二乘三乘者入於一乘者。一代權實諸教。爲歸悲願一乘之方便故。假令一乘實教。對淨土一乘。則只是爲權假方便而已。一乘即第一義乘者。最勝無上至極。名第一義乘。今彰本願一乘。是最上無上至極之一乘。結言唯是誓願一佛乘也。

○涅槃經言至無有二也

二引證有二。初涅槃。后華嚴。初涅槃經有四文。初一實諦文。北本^{三十五}南本^{三十三}聖行品文也。今證一乘是大乘無有二乘也。實諦者名曰大乘者。實謂一實不可思議。會疏^{十二}廿八云。指一實不可思議而爲真諦^文。諦謂審諦。謂聖於真俗。有照真實智。可得稱爲諦。會疏^{十五}二十云。今言諦者。還是審實。淨名云四諦是菩薩。不虛誑故。即是審實。有隨情審實。隨智審實。隨情智審實。故隨凡隨聖約真約俗。俱得稱諦。喻如一色。凡夫謂有賢聖爲無云云。○實諦者一道清淨無有二者。會疏云依文。

正以一道清淨爲一實諦。是正眞法故。華嚴云。法性遠離。故知法性清淨。遠離虛妄。名一道清淨。然則大乘實諦。即是一乘清淨。無有二乘也。

○又言云何菩薩等者

次北本廿五八十南本廿三八十德王品文。證二乘三乘入一乘。菩薩了知一切衆生歸一乘。爲信願。是隨自意眞實也。諸佛菩薩不逆。違衆生機根。分一說三。是隨他方便也。

○又言善男子畢竟有二種等

次北本廿七九南本廿五九師子吼品文。引證究竟一乘也。○畢竟者佛性異名。經次上文說。凡有心者。定當得成阿耨菩提。以是義故。我常宣說一切衆生悉有佛性。畢定當得成佛。名畢竟故。佛性名爲畢竟。此有二種。莊嚴畢竟者。六波羅蜜是了因行。究竟畢竟者。正因性。一切衆生究竟所得一乘也。世間畢竟

者。一切衆生有三定。中下二禪

經下說一切衆生具足三定。中者具足初禪。有因緣則修習。下定者十大地中

心數定也世間定名世間畢竟。出世間畢竟者。上定即首楞嚴三昧也。經云一切衆生悉有首楞嚴三昧。以不修行故不能得見。是故不得菩提至首楞者名一切事畢竟。嚴者名堅。一切畢竟而得堅固。名首楞嚴。以是故言首楞嚴定名爲佛性。文此二是了因也。今謂世定及首楞嚴定。了因攝禪波羅蜜中。

○又言云何爲一等等者

次北本廿七四十南本廿五四十文。引證二乘三乘入一乘。一乘者即第一義乘。第一義乘超數法故。

○華嚴經音至力無畏亦然

后華嚴文。舊華嚴第六九出。探玄記第四十六。一乘甚深難中難意。一切諸佛同修一乘。因行既同得果應一。云何今見諸佛世尊種々不同。唯以一乘其義安在。答意理實因同。果無差別。但

隨衆生感見差別。非是諸佛自有優劣。以明達一乘。順相故。賢首答之十偈。初二偈就實。以明因果俱一。明上唯一乘得出也。於中先明因一。後明果一。因中初半明所依法性。一文殊法常爾。下半能依行修。一切無碍人。后果一中。初半所證法王唯一法。身。下半修生勝德。一。心。一心是大定齊。次是大智齊。此二內用同。力無畏等是外化用齊。通論有三。初体同。次德齊。后用等。經意如是。今引意彰一切諸佛。唯由誓願一乘。○法常爾者。法法爾三世常恒如是。○法王唯一法者。明三世諸佛所依法。三世諸佛依念彌陀三昧一法故。彌陀三昧名法王。華嚴入法界品。功德雲比丘語善財。我於佛法三昧海中。唯知一行。所謂念佛三昧。○一切無碍人。一道出生死者。一道者即誓願一佛乘也。十方三世無量。同乘彌陀一如出生死。攝化隨緣不思議故。見釋迦大日等差別。然二智圓滿道平。

等。道平等故。一切諸佛身。唯是彌陀一法身。所證平等故。內證外用亦然。此彰十方三世因一果一。唯是誓願一佛乘也。

○爾者斯等覺悟等者

引證竟。三結釋也。上所明一乘。即就一佛乘。得一佛乘。成阿耨菩提。究竟一乘。證得法身等。此等覺悟。皆是彼土所得。永與聖道。此土得證之道不同故。此結其義。和讚云。至安養。可悟。與此同一一般耳。

○言海者從久遠至屍骸乎

三釋海字二。初正釋。后引證。此初也。涅槃第三十。明大海七德。華嚴十地品。說海有十相。今就餘水失本名。及不宿死骸之二相。釋海字。初失本名中。轉善轉惡分爲二段。初轉善中。○從久遠已來五字。流次轉惡句。可見。○凡聖所修雜修雜善者。雜修者。於五正定散行也。雜善謂雜行。通於人天三乘。十方淨土之

諸行也。此等皆比名號。少善根故。喻川水。此等諸善歸入名號海。則悉轉變與海一味。失本名也。○轉惡中學逆謗。闍提者。學重攝輕也。此中轉海水。成海水者。難通。和讚名號。不思議海水。不宿逆謗死骸。衆惡萬川歸。與功德潮一味。又云煩惱衆流。歸與智慧潮一味。萬川衆流。爲能歸。今亦可如是。不爾法譬不成。有解云。正法念經說。黑水海。赤水海。青水海等。有百千小水海。大經等說。大海小海。今惡水是小水海也。功德寶海是大寶海水也。此等衆惡小海水。歸名號。不思議大海水。則亦失本名云云。今按恆沙無明。亦是廣大。可言大海。全恆沙無明海。轉成功德大寶海。豈不然乎。何言法譬不成乎。○成本願等。是所歸通上二句。本願大悲智慧者。和讚云。大悲大願海水。智慧潮是也。恆沙功德者。和讚云。名號不思議海水。功德潮是也。同是真寶功德大寶海。名號之至德也。○良知如經言等者。天台止觀第

五。及要集引此經文。未知指何經。今引彰轉字意。唯信文意。法要
第二三 十六紙云。行者ノハシメテ。トモカクモハカラサルニ。過去今生未來ノ一切ノ罪ヲ。善ニ轉シカヘナス。トイフナリ。轉ストイフハ罪ヲケシウシナハスシテ善ニナスナリ。ヨロツノ水大海ニイリスレハ。即潮トナルカユトシテ。若雜善或罪惡。入一乘海。則不失其體。轉作功德。如不失水性。成水。此即彰圓融無碍自在之德。和讚顯本願圓頓一乘德云。罪障功德ノ体トナル。水ト水ノ如ニテ等此意也。○願海者等者。次明不宿死骸之德。願海者三字。牒前本願大悲大寶海句。又可上善導文云。彌陀智願海。今提舉釋之。○不宿二乘等者。依論註如下引。大乘善根界。大衆純淨故。二乘種永不生故。他方二乘來生者。轉二乘心。成就大乘根故。言二乘死骸者。十住論云。墮二乘地。是名菩薩死。無利他化用故。二乘心喻死屍也。二乘

所修。貶云雜善。中下者謂緣覺聲聞也。○人天虛假邪偽善業者。論註明不實功德云。凡夫人天諸善。人天果報。皆是顛倒。皆是虛偽等依之。○雜毒雜心者。以人天所修善。願往生者。皆名偽假雜毒之善。二乘雜善尚不生。况人天諸善乎。故云隨緣雜善。恐難生。何况宿反語。

○故大本言至獨明了已

二引文四。一大經文。師說云。初大本文。惣釋願海。次淨土論。初則彰願字。后乃釋海字。次光明師云等。至此而引一乘海之文。結成上來所明。重顯一乘海是菩提藏也云云。有說初大本文。於海十相中。依甚深難度。廣大無量二相。示一乘海也。次淨土論二文。初依無量寶聚相。示願海功德也。后大眾功德文。有深相。廣相。不受死屍。有大身衆生之四相。可知。二說各據一義。今謂初大本文。惣彰願海。體甚深。次淨土論文。初則證功德大。

寶海。次顯智慧海。名願海之所以。后乃正成願海。轉成之義。初文願海以智慧為體。智慧深廣故。願海亦深廣。故云彌陀智願海。深廣故不可思議。非聲聞或菩薩之所測。譬之生盲人。况凡夫乎。高祖曰。補處彌勒始。無有測佛智人。唯信不可思議。可託佛智。此之謂乎。但信不可思議。則不知不覺。轉凡聖善惡。與智慧功德一味。此智慧海不可思議故也。今引示此義而已。

○淨土論曰。至故曰成就

二論註二文。初不虛作住持註文。初偈文。證功德大寶海。次註文。彰智慧海名願海之所以。何以智慧海。言為願海耶。論註云。不虛作住持功德成就者。蓋是阿彌陀如來本願力也。本願是因。力者果上智慧力。合此因果住持故。佛本願力。為不虛作住持力。明知本願力言通智願。豈不言智願海乎。為顯此義。引註文。是以畧釋凡夫虛作相。文引力願不差文。其意可思。法藏善

薩四十八願是因願也。今日阿彌陀如來等。是果上智慧神力。依因願果智。而住持云。本願力也。○願以等者。證智海願海不相離。謂因願不徒然。以成果力。果力不虛設。以就因願。不相離。因願果力相符。畢竟不差故。智慧海即願海。故云。智願海。智願海即本願名號也。

○又曰海者等

大衆功德文。明佛智深廣。譬海之所以。佛智不可思議。何得喻海耶。有轉小根。使成大乘根之德。故此乃佛一切種智深廣故。○此智海。則轉二乘雜善屍骸。轉成大悲智慧大寶海。故生彼從此智慧海。成大乘根。有不宿死骸。失本名之德。故喻以海也。○從清淨智海生者。在此。既入智海。於彼。從智海生也。既入時。轉雜善。與智慧潮一味故。生彼成就大乘根。不顛動。名不動衆也。○光明師云。至菩薩藏上已

三光明寺釋有二。初玄義文。后舟讀文。此總結一乘海。一乘海。熟語。本出於光明寺釋。故此文約常途。則願教即一乘海。願教即菩提藏之意也。今所引轉聲成別途義。禿抄亦同之。何者。○點云願教。一乘海。施相違釋訓。舟讀文亦同焉。何以存別途。今按玄義文釋觀經云。我依菩薩藏二藏分別願教漸顯分別。一乘海一乘。然於觀經有隱彰顯密之義。若依願說名願教。然不可名一乘海。但是說定散自力。諸機各別益故。若依隱彰義。可亦名一乘海。彰弘願一乘益故。為顯此義。加相違釋。點歟。后舟讀文。○瓔珞經中說漸教者。一代所說雖漸。願有殊。自力修斷之道。悉皆從瓔珞經。為漸教攝。十信一萬劫。修功漸入。不退故。可謂漸教也。○觀經彌陀等說。即是願教菩薩藏。對彼聖道。一代漸教。稱願教等言。等取大經也。菩提藏者。具本作菩薩藏。今家依菩提藏本。禿抄亦同。六要云。菩提藏者。依四乘意指佛乘也。今按

勝曼經云。得一乘者得阿耨菩提。由此言之。菩提藏者一佛乘之稱。故依勝曼經立菩提藏之名而已。又可菩提藏者。依四乘法相。出善戒經第七。選擇集云。修四乘道得四乘果。四乘者三乘外更加佛乘。末燈抄亦用四乘法相。今亦依之。於菩薩藏中分因果。因名菩薩藏。果名佛藏。法苑章云。約因名菩薩藏。約果名佛乘。故一佛乘名菩提藏。是四乘法相耳。此中亦加相違釋訓。謂顯教也。菩提藏也。此亦彰觀小二經。有隱彰顯密義。若約顯說。但是顯教。而非菩提藏。二經隱彰則是顯中菩提藏也。大經即是菩提藏。誓願一佛乘。大無量壽經宗教故。

○樂邦文類止成善業

上已

四宗曉文。樂邦文類四三五集主宗曉。學姑蘇法雲寶珠集文。而述其意文也。法師宗曉字達光。四明王氏也。與柏庭善月。學於月堂惠詢。傳見統紀十八。今本作宗釋。釋字曉字寫誤耳。

上云環亦衍文。○夏丹者神仙藥名。即九轉夏丹也。言九遍循環也。○轉惡業成善業者。彼文作草凡成聖。其意是同。今以證字轉。無明海。成大寶海水之義也。有云就善導。重助成顯教益也。晉華嚴五十九。如一斤石汁。能變千斤銅。為金同之。○真理一言名號也。一實真如功德圓滿故。

○然就教念佛諸善比較止斯義如斯

三重辨相對顯一乘海分二。一比較顯勝。二廣嘆一乘無碍德。初比較亦二。一就教明。二約機示。初就教明中亦二。初相對。后

絕對。此初相對門也。自下承上一乘海。欲顯本願一乘絕對無二。非待雜善云。何能顯念佛功。超餘善諸行。

撰釋集讚嘆。念佛章文。

是以念佛諸善比較。顯本願一乘海絕對不二。是故先明念佛諸善比較。

后明本願一乘絕對也。○就教者。就真實方便二教相對。真實教即是本願一乘圓頓之教。方便教者聖道漸教。及淨土要門。

教也。就此二教論相對。念佛者承上大利無上一乘真實。諸善者承上小利有上。八万四千假門。就教真假論行優劣。行是教之所詮故。今念佛諸行比較相對。明四十八對。禿抄直就教真假。比較明四十二對。然此中先明相對。后明絕對。禿抄先絕待后相對。彼約相對明教相為主故。初從相對入絕對。后從其絕對。下相對而顯勝故。從絕對之相對。今此中本末無碍門故。絕對為主。於絕對中明相對。后引歸絕對。是故先明相對。后明絕對可知。○有難易對等。與禿抄對檢。今明四十八對。禿抄明四十二對。其所畧者有八。深淺對。強弱對。名號定散對。勸無勸對。上々下々對。付屬不付屬對。機堪不堪對。佛滅不滅對也。餘四十對彼此俱同。彼更加二對。爲四十二對。謂邪正對。有善無善對也。彼此通計有五十對。選擇集中往々明相對釋。今亦做之。諸經論亦有其例。如入楞伽經第一。說生見不生見等。

一百八見相對。十住論二十八。示度法非度法等百餘對也。○一難易對者。約聖淨相對。如易行品。若約要弘相對。如選擇集難易義。念佛易故通於一切諸行難故不通諸機云云○二頓漸對者。聖淨二門相對。如上所引舟讚文。要弘相對如化土卷。○三橫豎對者。依終南擇瑛。橫謂淨土他力。豎謂聖道自力。如信卷末。○四超涉對者。此約次位歷不歷。超謂超越。信卷云刹那超越成佛法。涉謂涉歷。徒行厲水也。歷劫迂回之義。擇瑛云聲聞緣覺菩薩。諸行涉地位是也。淨土要門。亦於化土歷劫迂回。特弘願念佛超證大般涅槃也。○五順逆對者。要門弘願。專雜得失相對。專修行者願彼佛願故。與本願相應故名順。雜修者與佛本願不相應故。與佛教違故名逆。○六大小對。集云亦有大小義。謂雜善是小善根也。念佛是大善根也。○七多少對。集下九云。少善根者對多善根之言也。然則雜善是少善根也。念佛是多善根也。○八勝

劣對。依選擇集云。亦有勝劣義。謂雜善是劣善根。念佛是勝善根也。○九親疎對。亦依選擇集二行章。○十近遠對者。就正雜二行。有五番相對。一親疎對。二近遠對等。親疎者先親者修正助二行者。於阿彌陀佛以爲親昵故。疏上文云。衆生起行。口常稱佛。佛即聞之。止。彼此三業不相捨離。故名親緣也。次疎者雜行也。衆生口不稱佛。佛即不聞之。止。彼此三業相捨離。故名疎行也。第二近遠對者。先近者修正助二行者。於阿彌陀佛甚爲隣近。故疏云。衆生願見佛。佛即應念。現在目前。故名近緣也。次遠者雜行也。衆生不願見佛。佛即不應念。不現目前。故名遠也。近者正行念佛。遠者雜行。如選擇集。○十一深淺對者。選擇集云。諸行往生機緣最淺。念佛機緣最深也。又云。聖道機緣淺薄。淨土機緣深厚。○十二強弱對者。禮讚云。彌陀身色如金山。相好光明照十方。唯有念佛蒙光照。當知本願最爲強。○選

擇集引此文。合自餘衆善雖是名善。若比念佛者。全非比較也。之文。明知念佛爲強。諸行爲弱。所以非比較也。○十三重輕對者。論註以臨終十念對逆惡而辨重輕。下品十聲念佛爲重。准知諸行爲輕。又可事讀下_二云。種々法門皆解脫。無過念佛往西方。上盡一形下至十念。三念五念佛來迎。直爲彌陀弘誓重。致使凡夫念即生。此念佛爲重。反之諸行爲輕。○十四廣狹對者。狹與_狹禮讚云。彌陀智願海深廣無涯底。聞名欲往生等。此本願名號爲深廣。故承之以聞名。當知念佛爲廣。諸行爲狹隘。又如來會言。爲廣大異門。廣大勝解者可知。○十五純雜對者。集二行章。第五純雜對者。先純者修正助二行者。純是極樂之行也。次雜者是非純極樂之行。通人天及以三乘。亦通十方淨土。故云雜也。○十六徑迂對。十七捷遲對。此二對同出樂邦文類_二八_十。八万四千法門。無如是之捷徑_上所。惣序云。愚鈍易

往捷徑文。徑者直也。迂反也。捷者速疾。遲者緩步也。○十八通別對者。有云諸行為別。不通諸機。故念佛為通通一切。故如集本願章。集釋初義。有云諸行為通。通於人。念佛為別。別於心。用之。今謂後義為勝。若如初義者。可言不通。今言通別者。別言有力。諸行諸佛。教道三世諸佛。通因故名。為通。念佛者是別。異弘願。釋迦諸佛。勸為別意也。○十九不退退對。有依住不退。轉解。今謂不然。下有入定聚不入對。何煩重耶。今按退謂退失。疏云不退失。傾動。是為不退。修餘行者。值異緣。則生疑怯退心。故散善義曰。自造罪退失。禮讚云。雜緣亂動。失正念。○廿直辨。因明對。要集下本。廿。問餘行寧無勸信文。答其餘行法。因明彼法種々功德。其中自說往生之事。不如直辨往生之要。多云念佛。何況佛自既言當念我乎。三經釋中亦用此語。○廿一名號定散對者。散善義云。上來雖說定散兩門之益。望佛本願意在眾

生。一向專稱彌陀佛名文。集依此意。定散諸行為廢。非本願故。念佛是本願獨立之。○廿二理盡。非理盡對者。要集下本。廿三。起信論云。當知如來有勝方便。攝護信心。隨以專心念佛。因緣隨願得往生他方佛土。如修多羅說。乃至明知契經。多以念佛為往生要。若不爾者。四依菩薩即非理盡文。當知念佛為往生要。是四依菩薩理盡說。諸行是非理盡也。○廿三勸無勸對者。於彌陀經中。釋迦諸佛等。唯勸念佛一行。貶餘行。不勸。如經具說。和讚云。恒沙塵數如來等。○廿四間無間對。廿五斷不斷對。此二對集二行章。上云。第三無間有間對者。修正助二行者。於阿彌陀佛。憶念不間斷。故云名為無間。是也。次有間者。修雜行者。於阿彌陀佛。憶念常間斷。故云心常間斷。是也。○廿六相續不相續對者。禮讚云。正由稱名易故。相續即生。又明雜修失云。係念不相續故。又云不相續念報佛恩故。論註不如實修行。為信

心不相續。如實修行爲信心相續。○廿七無上有上對者。集釋經無上大利文。又無上功德者。是對有上之旨也。以餘行爲有上。以念佛爲無上也。○廿八上々下々對者。散善義念佛衆生。名人中上々人。對此則諸行是下々也。○廿九思不思議對者。有說念佛稱不可思議功德。諸行少善反之爲思議象記。又可論註大義門云。五不思議中。佛法最不可思議等。和讚曰。言佛法不思議者。名彌陀弘誓。反之諸行是思議。理在絕言師說。今按末灯抄云。思不思トイフハ。思議ノ法ハ聖道。八万四千ノ諸善ナリ。不思トイフハ淨土ノ教。不思議ノ教法ナリ。由是言之。淨土教法是果分不可思議法也。八万四千聖道教是因分可說法也。○三十因行果德對者。有說諸行。因人所修行名號。即果德圓成之法樹。又可要門行人。修彌陀因行。弘願行者。修果佛德號。疏至誠心釋云云。○卅一自說他說對者。念

佛是如來隨自意說。諸行是隨他意說。選擇集下七云。當知隨他之前。暫離開定散門。隨自之後。還開定散門。一開以後。永不閉者。唯是念佛一門文。又可玄義明五種說。今此觀經是佛自說。化土卷本九。學五種說竟云。兩者四種所說不足信用。斯三經者。則大聖自說文。然則弘願一乘。唯佛自說。餘教通餘四說。優劣判然。○卅二回不回對者。如選擇集上十。不回向者。修正助二行者。縱令別不用回向。自然成往生業。次回向者。修雜行者。必用回向之時。成往生因。若不用回向之時。不成往生之因。文。化土卷云。名回心回向善文。○卅三護不護對。卅四證不證對。卅五讚不讚對。此三對同是小經意。如選擇集念佛證誠章二十。念佛護念章廿七。又可讚不讚對。即是釋迦讚。讚念佛利益。不讚。讚三輩諸行。如集念佛利益章。○卅六付屬不付屬對者。選擇集念佛付屬章九。釋尊不付屬定散諸行。唯以念佛付

屬阿難文。○卅七了不了教對者。此有二意。一約人。謂佛說爲了。菩薩等說爲不了。如散善義。二約法。謂聖道了義。望機不了。唯淨土爲了故。行卷引慈雲云。了義中了義。此嘆念佛法爲最上了義。對之諸行不了可知。○卅八機堪不堪對者。諸行不堪念佛能堪。集下六云。下品下生是五逆重罪之人也。而能除滅逆罪。所不堪餘行。唯有念佛之力能堪。滅於重罪之故。爲極惡最下之人。而說極善最上之法。○卅九選不選對者。集本願章上之十七云。今選捨前布施持戒。乃至孝養父母等諸行。選取專稱佛號。故云選擇也。文。○四十真假對者。若約教權實者。聖道爲假。淨土爲真。若約法真假者。要門爲假。佛願爲真。和讚云。念佛成佛是真宗。万行諸善是假門等。化土卷言門餘者乃橫出漸教定散三福九品假門也。橫超他力爲真中之真。○四十一佛滅不滅對者。集下九云。道綽禪師於念佛一行。立始終兩益。安樂集

云。念佛衆生攝取不捨。壽盡必生。此名始益。言終益者。依觀音我記經云。阿彌陀佛住世長久。兆載永劫亦有滅度。般涅槃時。唯有觀音勢至。住持安樂。接引十方。其佛滅度。亦與住世時節等同然。彼國衆生。一切無有親見佛者。唯有一向專念阿彌陀佛往生者。常見彌陀現在不滅。此即是其終益也。諸行往生者。見佛滅。念佛往生者。親見佛不滅。名佛滅不滅對也。○四十二法滅不滅對者。集上九特留念佛章云。一聖道淨土二教。住滅前後者。謂聖道門諸經先滅。故云經道滅盡。淨土門此經特留故。云止住百歲也。又念佛諸行二行。住滅前後者。謂諸行往生諸教先滅。故云經道滅盡。念佛往生此經特留。故云止住百歲也。等文。○四十三利不利對者。禿抄所言大利小利對是也。集上廿七念佛利益章云。此大利者是對小利之言也。然則以菩提心等諸行。而爲小利。以乃至一念。而爲大利也。文。與前有上無上

對相接。大利無上分爲二對而已。○四十四自力他力對者。論註利行滿足章。說。暇明自力他力相。自修持戒禪定。得神通爲自力。乘本願力爲他力。勝劣可知。○四十五有願無願對者。集特留念佛章。明經住滅曰。若依善導意者。此經之中。說彌陀如來念佛往生本願。釋迦慈悲爲留念佛。殊留此經。餘經之中。未說彌陀如來念佛往生本願。故釋迦不留之也。淨土教有本願。故特留。餘教無本願。故不留。勝劣可知。○四十六攝不攝對者。集上一引觀經及觀念法門等。成彌陀光明。不論照攝餘雜業者。但有專念阿彌陀佛衆生。彼佛心光常攝護不捨。○四十七入定聚不入對者。自力念佛及修諸功德者。爲邪定不定聚。不能入正定聚。唯有他力信心念佛行者。能得入正定聚。如宗常談。○四十八報化對者。依要集下末^四報化二土辨立文。文引處胎至難云。以此經准難可得生。答群疑論引善導和尚前

文。而釋此難。又自助成云。此經下文言。何以故皆由懈慢。執心不牢固。是知雜修之者。爲執心不牢之人。故生懈慢國。若不雜修。專行此業。此即執心牢固。定生極樂國。至^乃又報淨土生者極少。化淨土中生者不少。故經別說實不相違文。已上四十八對竟。結云斯義如斯。

○然按本願一乘海止不二之教也。

后版絕對。此乃從相對版入絕對也。禿抄先明絕對云。本願一乘海。頓極頓速。圓融圓滿之教也。應知淨土要門定散二善。方便假門三福九品之教也。應知文。彼抄本願一乘海。雖絕對而下相對門。與要門教相對故。不言絕對。今此中不言所對。專明絕對故。云無碍絕對不二之教。與彼稍殊。又彼抄上明絕對云。本願一乘頓極頓速。圓融圓滿之教者。絕對不二之教。一實真如之道也。應知專中之專。頓中之頓。真中之真。圓中之圓。一乘

一實大誓願海文。與今文同意可映見。又禿抄次文學圓頓字釋云。圓頓者圓名。圓融圓滿。頓名。頓極頓速也。此依天台弘決顯字釋。此中亦准解。極速者頓極頓速之義也。今此中言無碍絕對不二。八万四千假門。及淨土要門。皈入本願一乘海。則本末無碍絕對不二應知。

○亦就機對論止斯義如斯

二約機示亦二。一相對。二絕對。此初也。禿抄他力一乘哉。與漸教回心自力機相對。作十八對。今此中明十一對。此中象賤對。禿抄所無。彼更加八對。謂賢愚對。好醜。妙麁。希常。強弱。上々下々。勝劣。直入回心對。彼此合有十九對。可知。○一信疑對者。明信佛智為信。疑惑佛智為疑。是胎化得失判然。此乃二機對之。所由發之張本。故彼此但是為初對也。○二善惡對者。已下五對列次。依觀念法門語。義與彼不同。彼就性善性惡為五。今

就受法上列五。其異可見。今初念佛機為善。由名號法德故。要門之機為惡。對念佛之善故。觀經化佛讚言。善男子汝稱佛名故。反之為惡也。又可釋迦親言善親友。反之疑惑人為惡也。○三正邪對者。禮讚專修人云。無外雜緣得正念。散善義雜修人云。解行不同邪雜人。○四是非對者。一多證文釋。常照是人云。是人トイフハ是非ニ對スルコトハナリ。眞實信樂ノ人ナハ是人トマウス。虛假疑惑ノモノナハ非人トイフ。非人トイフハ人ニ非ストキヲヒ。ソルキモノトイフナリ。是人ハヨキ人トマウス文。○五實虛對。六眞偽對者。故善義明利他眞實云。所施為趣求亦皆眞實也。須如來眞實故。獲金剛信人。名眞實信心行人。又名一乘眞實之機。眞言對偽。實言對虛。故要門機為虛為偽。名虛假行者。信卷音眞佛弟子者。眞言對偽對假。弟子者釋迦諸佛之弟子。金剛心行人也。又末一云。

言假者即是聖道諸機。淨土定散機也。○七淨穢對者。若約信心之淨穢者。易行品云。若人疑則華不開。信心清淨。花開見佛。對信心清淨人。疑或人名穢。若約土之淨穢者。論註云。穢土假名人。淨土假名人等。獲往相信心。住正定聚。為淨華衆分人。故穢土假名人。即淨土假名人。一而不二也。疑惑之人。但穢土假名人。而非淨土假名人也。○八利鈍對。九奢促對。此二對出。唯信抄。文曰。夫根有利鈍者。教有漸頓。機有奢促者。行有難易。銘文學釋。根利鈍者。就聞法信解言之。聞即信受為利。數聞不信受為鈍。由宿習所致。成不同。口傳抄。曰。十方衆生中。有信受淨土教之機。有不信受之機。何者。如大經中說。過去宿善厚者。今生遇此教。正信受。無宿福者。雖遇此教。不念持。如不遇止。然宿善開發機之徵。遇善知識。所開悟時。一念不生。疑惑等。機有奢促者。速疾頓證為促。一乘機是也。歷劫迂回為奢。

聖道及要門之機是也。○十豪賤對者。有說云。一乘機為豪富。得信心法財。故法藏第一為得大利。故漸教機為貧賤。失大利。故樹有說。豪謂尊貴。豪富。賤謂卑賤。大經云。上有賢明長者尊貴。豪富。下有貧窮。斯賤。疋劣愚夫。又經說。安樂國人。天形色微妙。重々比較。初世間貧窮乞人。與帝王比較。貧窮乞人。因前世宿惡。故生人中。為下賤。愚鄙。斯極。帝王人中。獨尊。由宿世積善所致。今自然尊貴。儀容端正。衆所敬事。乞人比帝王。羸陋醜惡。無以為。喻。百千萬億不可計倍。乃至輪王。忉利天王。第六天王。重々比較。第六天王。比無量壽國菩薩聲聞。光顏容色。不相及。逮百千萬億不可計倍。此為顯彼土聖衆尊貴豪富。由宿因勝。故如是。於初重比較。具說宿因有勝劣。故果報亦有豪貴卑賤。今就因中比較。示豪賤對。一乘機是豪貴。要門機是下賤。其優劣百千億倍。可知云々。二解任情。○十一明暗對者。信卷本引涅槃經。

云。明者智明。闇者無明。今明信佛智者。無碍光明能破無明暗。故智明也。不了佛智者。稱名憶念無明由在故暗者無明也。○斯義如斯結上也。

○然按一乘海之機等

後明絕對機。禿抄在前明之云。眞實信心。內因攝取不捨外信受

本願前念命終即入。即得往生后念即生即時入必定。他力金剛

心也。文可准解。今金剛信心爲絕對不二機者。攝取不捨故。成

金剛信心。住正定聚。前念命終即得往生。后念即生故。在穢土

即淨土假名人。不一不異。絕對不思議。是曰一乘海之機也。

○敬白一切往生人等至不可思議故

比較已竟。第二廣嘆一乘海無碍德有三。一敬嘆。二別明。悲願喻。如已下

三結文。其可。此初惣嘆也。○敬白等者。做散善義舟讚等語例。

自謙敬勸一切道俗。恭敬修之至也。○弘誓一乘海等者。承向

本願一乘海。圓融滿足無碍等文。嘆一乘海無碍之德也。○無

碍無邊者。橫遍德。○最勝深妙者。豎常德也。不可說等。顯德量。

即華嚴阿僧祇品所說十大數名也。○至德者。至德尊號。何以

故者。徵起名號不可思議之所由也。誓願不可思議故者。明依

誓願不可思議。成就名號不思議。誓願不思議故名號亦不思

議。誓願名號不二德海。名本願一乘海也。誓願者六八願入於

五願。五願亦入於一願。一願者即是第十八願。分第十八願而

爲五願。一々皆不可思議。攝得餘願。應知

○悲願喻如大虛空。至無所碍故

二別明亦二。初約喻嘆。后就法彰。能出三初約喻嘆中。惣有廿八

句。願大本廿八願菩薩摩訶德。譬喻多出於華嚴五十九十一番。新

華嚴七十八入法界品。說二百廿一願。嘆菩提心德。今抄畧嘆

一乘海德。又大經及涅槃大集經中。亦有當之譬可知。初大虛

空喻爲惣。大車喻下爲別。非虛空喻。則難顯。智願廣大無邊無碍不可思議。故以爲惣。廿七句別喻。其一分耳。○如大車運載故者。大木曰。猶如大乘。運載群萌出生死故。彰運載不可思議。不備凡聖故。○如蓮花等者。大木曰。猶如蓮花。無汚染故。此顯淤泥不染清淨不可思議。○如善見藥王者。華嚴經三十云。雪山頂有藥王樹。奈女經。祇域逢擔樵小兒。望見五臟。五臟分明。祇域心念。此兒樵中有藥王樹。以十錢賣之。乃至東中何者是藥王木。卽解兩束。一々取之見。最后小枝照見腹內。祇域大喜。取此小枝。餘悉還兒。祇域取藥王木。照腹內病治之。今顯滅罪不可思議。○如利劍等者。顯摧邪不可思議。○如勇將幢者。天帝釋幢名。顯降魔力不可思議。○如利鋸者。顯破無明不可思議。○如利斧者。顯除苦不可思議。○如善知識者。顯解脫不可思議。○如導師者。顯引導不可思議。○如湧泉者。顯智水無盡德。○

蓮華者。上妙蓮華。喻不染有漏世法。今喻不染罪垢。故其意不同。此顯心清淨不可思議。○如疾風者。顯散障不可思議。諸障者三障也。○如好密者。顯諸味圓滿德。○如正道者。顯入涅槃界德。○如磁石者。顯因果不二德。○如閻浮檀金者。顯轉善不可思議德。○如伏藏者。顯圓融不可思議。○如大地者。念佛三昧。顯本地法王德。○如日輪者。顯破暗生信德。○如君王者。顯超踰諸佛德。○如嚴父者。本作慈父。顯教導一切德。○如慈母者。顯長生眞因之德。○如乳母者。顯養護一切往生人之德。○如大地者。已下地水火風喻出大經。上如大地取出生義。今取能持義。顯佛力住持德。○如大水者。顯洗除諸垢之德。○如大火者。顯燒除諸見。○如大風者。顯無碍自在德也。上來諸喻。就往相教行信證及還相。顯不可思議德。一々德皆廣大無邊。如虛空也。○能出三有至開顯方便藏。

二就法影中初六句約往相。后四句一切智約還相。初往相中。初三句當來益。次三句現生益。並是往相利益也。○能出三有城。能閉廿五有門者。經云橫截五惡趣。惡趣自然閉之意也。○能得真實報土者。必得超絕去。往生安養國之意也。又閉塞諸惡道。通達善趣門之意也。三箇能字彰本願一乘德。次現生中。○能辨邪正道路。能竭愚痴海者。偈云開彼智慧眼。滅此昏盲闇文。開智慧眼。即得名號佛智也。由開智慧。辨邪正道路。不趣邪惡道。皈本願一實之正道。以爲智慧。竭盡愚痴海。而流入本願大智海也。三種能字顯名號法德也。一義云初三句示一念皈命信心。信卷末云。發起往相一心故。無生而當受生。無趣而更應到趣。已六趣四生因亡果滅故。即頓斷絕三有生死故文。一念時三有生死因亡果滅。於廿五有無可到處。決定報土得生。曰能得報上。三能字彰一念發信之相。次辨邪正已下三句。示後

後相續之相。能辨邪正道路。不爲別解別行異學人等所障也。又三業不流邪惡。自然法德而辨邪正故。能竭愚痴海者。智慧明達之相也。流入願海者。稱念不可思議至德。聲々流入薩婆若海之相。三能字顯信后相續相也。已上○乘一切智船等。四句約還相。嘆乘○一切智船者。佛一切智。還相回向願。願。即是彌陀智願船也。○浮諸群生海者。浮利益諸群生海也。讚曰彌陀觀音大勢至。乘大願船等。○圓滿福智等。華嚴卅七卅云。如來福德藏。智慧藏。方便大願藏。喻人身五臟文。今取爲還相攝化之相。圓滿福智藏者。經所謂具諸菩薩無量行願。智安往一切功德之法。福是也。福智圓滿無缺故名藏。○開顯方便藏者。遍十方世界。方便攝化。開化恆沙無量衆生。立無上正真道意。經所謂遊步十方。行權方便者是也。由是思之。約法之文。既不過二種回向。喻示之中。亦准例可知。

○良可奉持等

三結勸。上來法譬。嘆一乘無碍德。無碍法德。自然成。衆生。而利益無邊。良可奉持。頂戴一乘無碍法德也。

○凡就誓願至真宗之正意也

上來既顯大行竟。自下大門第二說偈。惣持。此中亦二。一叙意。二作偈。初叙意中有二。一明綱要。二偈生起。此初也。○凡就誓願有真實行信者。先標偈綱要。行信兩願者。即是正信念佛之休也。其所被機。則善惡凡愚也。其所期果者。難思議往生。其所入土。願力成就。報佛報土。此乃誓願一佛乘。大無量壽經宗致。要不過于此。今偈所明。亦唯在茲焉。然以真實行信。爲正信念佛。偈所被所期從之故。標其綱要。云有真實行信也。○凡就誓願者。承上何以故。誓願不可思議。故文來。標云就其誓願不可思議行信。雖有真實方便異。俱以彰於誓願故。並標真假

行信。示俱由誓願也。○其真實行信願者等者。指示所出之願。其方便行信。雖乘便標。非今所用。推之於化土卷。今從所用。但指示真實行信之所出願。所以其示所出。則欲知此行信是木願力。回向成就故。云斯乃選擇本願之行信也。○選擇本願之行信者。彰非凡聖自力行信。如來選擇回向之行信也。○其機者則等。明選擇本願行信之所被機。○善惡大小凡愚者。有說彰願文十方衆生。今謂就觀經九品。彰機真實。上六品是善凡夫。下三品惡凡夫。故云善惡凡夫。於善凡夫中。上輩三人是遇大。中輩三人是遇小故。云大小凡愚。○往生者則等者。示行信所期之果。即是第十一願證果也。○難思議往生者。有說身土融妙之名。今謂未然。身土融妙於佛身佛土。可論之。何就往生論之耶。依三經往生文類。由不可思議因。感不可思議妙果。佛因佛果。俱不可思議故。立難思議往生之名也。○佛土

者則等者。示行信所入之土也。○報佛報土者。西河終南創立。吉水承明善惡凡夫入報土之義。曾言依天台宗許凡夫往生。而判土卑。依法相宗則判土高。而不許凡夫往生。今立淨土宗者。爲顯凡夫入報土之義也。云云。今由此相承。故以報佛報土。爲善惡凡夫之所入土也。○斯乃誓願不可思議一實真如海者。上所舉行信證果法體。結歸名號。一多證文云。言真實功德者名號也。一實真如妙理圓滿故。喻之大寶海也。言一實真如者無上大涅槃。涅槃即法性。法性即如來也。故知一實真如海者。指一實真如妙理圓滿名號。真實行信證果。以名號爲體故。聖道門已心本有佛性。曰二實真如此。顯法性之名也。於淨土門。彌陀修得顯現涅槃之妙理。名曰一實真如。故加誓願二字。簡聖道門本有性。彰方便法身別願所成名號。爲真如一實功德。不可混同聖道所談也。○大無量壽經之宗教者。真實行信證

果。名號爲體。從體分因果。所謂願因願果。上所舉行信證果佛身佛土。合爲因果。而彰誓願因果。爲大無量壽經宗教也。○他力真宗之正意者。往生即成佛名爲真宗。正意者簡傍意。今他力回向行信證果。爲真宗正意也。上來所明。舉真實行信證果真佛土。則真實教在其中。言大無量壽經。即是教也。然則真實六法。爲偈綱要。攝要大信大行爲要。開此所期所入爲六法。

○是以爲知恩報德。至念佛偈曰

二偈生起。是以二字承上辭。彌陀超發深重誓願。爲我等成就真實教行信證。釋迦爲我等說大無量壽經。開闢他力真宗。以傳之。二尊重恩不可不念報。故承上云是以也。○宗師釋者。論註釋世尊文也。○爲知恩報德。披師釋者。高祖自行專篤也。可以寬而已。此文以二義。釋告世尊。今引釋亦存二義。一爲知恩報

德。忠臣孝子之隙據大論。論十四云菩薩常敬重於佛。如人敬重父母。諸神。力。知。恩。故。廣。供。養。文。又。第。七。四。云。佛。為。法。王。菩。薩。為。法。將。譬。如。此。中。子。臣。譬。忠。臣。特。蒙。王。恩。寵。常。念。其。主。菩。薩。亦。如。是。得。知。恩。重。故。常。念。佛。

菩薩。父母君后。喻佛。后亦君也。說文后。體君也。有說父母君后分配二。尊及光壽者恐鑿矣。論主啓釋迦。今偈取為彌陀。何須分配。可謂不知古文。○動靜非已出沒必由者。動靜有二義。大行動作大信堅固發聲動默念靜皆非已能。大悲回向之所使然故。出沒必由者亦二義。還相出功往相入功出化為他入慶自內慶莫不由皆佛願他力故。云必由皆從有云孝子言動靜。忠臣言出沒。語曰小德出入可也。動靜謂起居四。孝子歸父母也。起居不專自已。必從父母命。故言非已也。忠臣歸君后也。入出行藏不敢私。必由君命。故言必由也。云云。今謂動靜謂起居。出沒謂出入也。但是同義。曲禮云夫為人子者。出必告反必面。所遊必有常。所行必有業。出入豈不通孝子乎。故知動靜出沒皆通子臣。其

分條者未可也。今文意謂子臣之於君父也。去來進止不專自已。惟命是從。故云動靜等必由。即屬君父。非已即從我言之。亦但文綺互耳。○知恩報德。理先啓者。高祖採取而叙意者。專在知恩報德句。而不在宜先啓句。故下承云信知佛恩等思之。二乞加義。菩薩演大法利益一切。所願不輕。故乞佛力。告世尊。此二義雖並引。版知恩報德一義。為教人信乞佛力。豈非知恩報德乎。畧書略乞加義。但引報德一義。彌明知恩報德義為本矣。○爾者版大聖真言等者。一義云偈中初至無過斯。舉大聖真言是也。印度西天下。七祖傳燈云。闍大祖解釋也。若爾何不音仰大祖解釋。而言闍耶。文義難通暢。今謂闍大聖真言者。指前所言大無量壽經所說真實五法。闍大祖解釋者。承前披宗師釋文。言披闍宗師釋故。信知二尊恩德深遠。說偈述已心。唯是為知恩報德也。而已。○作正信念佛偈曰者。畧書四法後安偈。

為彰以二偈統教行信證。安偈於四法後。題曰念佛正信偈。今廣書中於顯行中。安信偈者。彰行信不二妙旨。謂大行大信。只一南無阿彌陀佛為體。行信不離。是以吉水云。南無阿彌陀佛。往生之業。念佛為本。舉行體則信在其中。故不別開信。就行體勸之。若就行體則信之自力他力難辨別。是故吾祖於一體中。分大行大信。行卷外開信卷。明他力真實信心。是所以信行別卷也。既於行信分卷顯示。恐世人輒看作信行別見之解。為是巧安偈於顯行之中。欲明行信分而不分之意。題曰正信念佛偈。亦此意也。然畧書偈在四法後。故無綱要文。直承前四法為偈故。四法名號為體故。念佛為先。曰念佛正信偈。念佛為所行也。今偈承偈前標體再願。大行大信為題。然行在於信後。則是念佛為能行。能信能行。題曰正信念佛。此乃為彰行融即之旨也。信融行從信流行故。以為能行。所謂真實信心稱名是

也。今畧釋題目者。淨土經中未見有正信語。慈雲法師有往生正信法門。而猶不免自力偏邪。六要就所行法。立能信名。信正行故名正信。古師中。或依正當身心等文。正謂正當義。信謂不生疑怯退心。或正謂正中。契佛中心。依名號名正定業。正定即正佛等。異解紛紜。未見有的據。恐有所據乎。今按西岸上有人喚言。汝一心正念直來我能護汝。此正念言通信念稱念。據之言之。今正信正念佛名正信念佛。何以知正言通信念行。禿抄云正念言選擇攝取本願也。又第一希有行也。金剛不壞信也。明知正言通信念行。又和讚云一念無疑得正念。豈不正念即正信乎。又略書曰正念即是稱名。稱名即是念佛。此稱名念佛為正念。然則本願招喚言一心正念者。即是正信念佛也。正據此文乎。今解有三義。一云佛智為正。此信名號佛智為體。故名正信。二序曰。圓融至德嘉號。轉惡成德。正智文。改邪抄釋曰。至心信樂

爲彰以二偈統教行信證。安偈於四法後。題曰念佛正信偈。今廣書中於顯行中。安信偈者。彰行信不二妙旨。謂大行大信。只一南無阿彌陀佛爲體。行信不離。是以吉水云。南無阿彌陀佛。往生之業。念佛爲本。學行體則信在其中。故不別開信。就行體勸之。若就行體則信之自力他力難辨別。是故吾祖於一體中。分大行大信。行卷外開信卷。明他力真實信心。是所以信行別卷也。既於行信分卷顯示。恐世人輒看作信行別見之解。爲是巧安偈於顯行之中。欲明行信分而不分之意。題曰正信念佛偈。亦此意也。然畧書偈在四法後。故無綱要文。直承前四法爲偈故。四法名號爲體故。念佛爲先。曰念佛正信偈。念佛爲所行也。今偈承偈前標體再願。大行大信爲題。然行在於信後。則是念佛爲能行。能信能行。題曰正信念佛。此乃爲彰信行融即之旨也。信融行從。信流行故。以爲能行。所謂真實信心稱名是

也。今畧釋題目者。淨土經中未見有正信語。慈雲法師有往生正信法門。而猶不免自力偏邪。六要就所行法。立能信名。信正行。故名正信。古師中。或依正當身心等文。正謂正當義。信謂不生疑怯退心。或正謂正中。契佛中心。依名號名。正定業。正定即正佛等。影異解紛紜。未見有的據。恐有所據乎。今按西岸上有人喚言。汝一心正念。直來我能護汝。此正念言通信念稱念。據之言之。今正信正念佛名。正信念佛。何以知正言通信念行。禿抄云。正念言選擇攝取本願也。又第一希有行也。金剛不壞信也。明知正言通信念行。又和讚云。一念無疑得正念。豈不正念即正信乎。又略書曰。正念即是稱名。稱名即是念佛。此稱名念佛爲正念。然則本願招喚言一心正念者。即是正信念佛也。正據此文乎。今解有三義。一云佛智爲正。此信名號佛智爲體。故名正信。唯序曰。圓融至德嘉號。轉惡成德。正智文。改邪抄釋曰。至心信樂

欲生ノ三心ヲハ。他力ヨリ所被授之佛智トシケラレタリ。
乃至凡夫不_レ成ノ迷心ニ。令諸衆生ノ佛智滿入シテ。他力ヨ
リ成就シテ。願入彌陀界ノ往生ノ正業成スル時ナ。能發一
念喜愛心トモイフ等。又最要抄云。コノ信心ナマコトノコ
、ロトヨムウヘハ。凡夫ノ迷心ニ非ス全ク佛心ナリ。コノ
佛心ヲ凡夫ニサツケラル、トキ。信心トイハル、ナリ。又
淨土見聞集云。信心ハ佛智ナリ。信卷末三諸心會合竟云。一
心是名如實修行相應。即是正教正義正行正解正業正智也。
此乃佛智入一切衆生心中。成菩提心。名正智也。然則名號佛
智。入衆生心中。時名信心。故知佛智回向信心。名爲正信。本願
三信以至德尊號爲體者。此之謂乎。依此義則正信者。猶如
他力信心也。二者正謂正真義。經說無上正真之道。又云正真道
意。故此信佛智回施之眞實心故。疑蓋無雜故。眞實一心是名

金剛眞心。金剛眞心是名眞實信心。或曰眞心。或曰眞實信
心。或曰金剛眞心。今所言正信者。眞實信心之異名也。三者正
謂決正義。經云決正生死等故。決定一心是曰正信。宗家曰決
定一心投正直進。無疑怯退心。是正信之相也。略述三義如是。
念佛者高祖有所行言爲念佛。如眞宗念佛。又云念佛即南無
阿彌陀佛等是也。今則能行。稱念佛名曰念佛。約能行故居信
后。終日能行不離所行海。圓融無碍他力稱念說爲念佛也。舊
解題目爲正信念於佛恩偈。此未詳由叙中標出本願行信之
意。故今大信大行爲偈目耳。言偈者如別記。畧解題目竟
○歸命無量壽如來南無不可思議光
今此偈文有多部末釋。各々蘭菊競美可披閱。今此中述偈大
綱。至其子細推之諸註耳。今偈大分爲二。一依大經示。二依師
釋述。此大科依六要。初至必至。二釋迦教意。泐記等亦從之。初中又二。一彌陀教意。減度句。二釋迦教意。

如來至難。初彌陀教中亦三。初標體德。次明因相。后明果成。於中
 中之難句。初二句先標體德。謂光明壽命也。因位願行果后利生。乃至一
 切佛事。莫不皆咸攝。販於茲。而是體德乃正信念佛也。南無販
 命是正信。無量壽不可思議光是念佛。今在初顯一偈。你_也。舊
 解此二句為所讚佛德。或為歸敬之意。皆非也。文軌引諸文為
 勸他義。今謂初二句。與論主世尊我一心句同。叙自己安心。即
 是願作佛心。終道俗等二句度眾生心。在初后彰願作度生
 心。中間諸句皆從之。○無量壽如來者明體。第十三願成就。不
 可思議光者明相。第十二願成就。壽體恒帶光相。故言是故無
 量壽佛。號無量光等。此二種相即。成方便法身別德。內融法
 性法身。外現方便智體智相也。此句義意者。前用玄義釋文。后
 取釋師偈句。曰歸命曰南無。唯是今佛木具。由別願因緣故。建
 名於南無阿彌陀佛。此翻云歸命無量壽覺。或云南無不可思

議光。此之南無歸命。即喚起十方眾生。凡夫若唯聞阿彌陀佛
 四字。而不知南無二字。謂之信不具足。是故從佛言之。回阿彌
 陀佛而向南無。眾生從南無。而契阿彌陀佛。謂之正信念佛。此
 即方便法身別德云云
 ○法藏菩薩因位時至聞十方
 此二偈八次明因相。於彼光壽大海悲風應感。起思惟修行波
 浪者。由別願因緣。雖則現因相。是果中之因。空中讚言即其義
 也。○法藏菩薩因位時者。法藏者今佛因地之名。從一如法海
 垂形示名。法藏菩薩等。據此從光壽無量出來。現因示果。是名
 方便法身別德。可知。因位時者。指初發心時。或地上發心。或八
 地發心。如大論五十九右例八地觀佛國。○世自在王佛者。法藏
 所值應身佛。若約法藏所見。三身相即應身。偈言窮深盡奧。故
 ○在所觀見者。彰由他力。使未來眾生亦因他力。今依經述由

佛力選擇攝取之相者。經曰願佛為我廣宣經法。我當修行攝
取佛國。清淨莊嚴無量妙土。比丘自令我於世速成正覺。拔諸
生死勤苦之本。此別陳已所願。即上偈云。令我作佛國土第一。乃佛告法
藏比丘。如所修行莊嚴佛土。汝自當知。淨佛國土成就。衆生即是一
如菩薩常法。故云。汝自當知。
比丘白佛。斯義弘深非我境界。唯願世尊。廣為敷演諸佛如來
淨土之行。我聞此已當如說修行成滿所願。比丘等之。斯義弘深非
常途。唯願等將。請佛
力。或超世無上願也。世自在王佛。知其高明志願深廣。即為法藏比丘而
說經言等文。說三海量。以顯其志願廣大。得其妙寶者。指第一義
諦妙境界。即唯佛所究竟之處。他師或為事淨。或為應土。豈其
願此文乎。○觀見諸佛淨土因等者。經曰佛即為廣說二百一十
億諸佛刹土。天人之善惡國土之鹿妙。應其心願悉現與之。時彼
比丘聞佛所說。嚴淨國土皆悉觀見文。諸佛淨土因者。次上文。唯
願世尊廣為敷演。諸佛如來淨土之行。淨土行者。淨佛國土

之行因。如大論九十三初廣明。天人之善惡正國土之鹿妙。依
即是諸佛淨土。依正果也。此中通攝穢淨因果。今且從化主言。
淨土不妨其中衆生有淨穢。今偈法藏請說文。與佛說現文。合
成因果。今法藏願心。欲捨差別因果契平等域。選擇攝取超發
無上願。是選擇願相也。觀見二字同焉。分而言之。觀局眼見。見
該眼見惠見。經文廣說悉現。今則舉見攝聞可知。○建立無上
等。經云超發無上殊勝之願。今合下發斯弘誓建此願已文。分
為二句。誓願二字綺互言之。二句一意也。弘誓願者。嚧指六八
別在真實五願。○五劫思惟之攝受者。見菩薩大悲愍重。經言
其心寂靜志無所著。乃具足五劫思惟攝取。莊嚴佛國清淨
之行文。之言通下。思惟之攝取之也。思惟之者。指上莊嚴佛國
清淨之行。攝取之者。攝取上超世無上大弘誓也。偈句窄故畧
耳。○重誓名聲等者。彰攝物極要。何者前六八願中。既有諸佛

咨嗟之願。今復重誓。曰。我至成佛道。名聲超十方。究竟靡所聞。誓不成正覺。以攝物極要。重誓名聲普聞。又學名聲攝因中衆行。又攝下果德中光明名號。成上起下意可知。暑書果光中說之。今因中說之。轉換自在思而可解。

○普放無量至蒙光照

后明果成中。初一偈半。六明光明德。后一偈。本願名號德。果成之要不過此二。以光明名號爲攝化十方之大本也。初光德中。列十二光名。十二光義。如讚彌陀偈等。普放二字與下照塵刹句應。○一切群生者。廣被六道。經言若在三途等。此明果成中。何故不學壽德耶。謂有所放十二光。豈無能放人。是無量壽故無所闕。今學相彰。佛學所放示能放。

○本願名號正定業至願成就

后明名號德益。行信證果皆名號德益故。以光明名號攝化十方。

乃是別願因緣也。有光明名號因緣。能使生行信因得滅度果。故一。又既有光壽大悲休德。全光壽休德。具於名號中。名休不離。使聞而信之。信而契光壽妙域。即是滅度義也。二。又上明佛因果。已下示衆生因果。佛因果起於同體大悲。衆生因果從佛誓願成。佛因果爲衆生往生體。衆生因果是佛圓向。生佛不二機法一體。宛在於此中焉。三。本願名號者。第十七願成就名號。銘文云。本願名號正定業者。選擇本願之行也。名義具足名號。曰選擇本願之行也。○正定業者。本願選定之業故。撰擇集及正決定之業故。一多證文執持。抄改邪抄等。入正定聚之業故。信后相續作業依。前二義業因之義。后作業之義應知。○至心信樂願爲因者。彰正定業大行。入衆生心中成大信。即第十八願意也。至心信樂願者。信卷出五名中。第四立名也。本願三心中。何除欲生耶。一云願字配欲生。定。此義非也。二云三心相即一體學二無缺。就文。

勸。一云至心信樂為報土正因。信欲生是信樂上德用耳。今正
 因為本願休故。名至心信樂願。銘文云他力至心信樂之業因。
 是也。后二義為是。願為因者。銘文云至心信樂願為因トイフ
 ハ。彌陀如來回向ノ真實信心ヲ。阿耨菩提ノ因トスヘシト
 ナリ云。此望次証果為正因。和讚亦同之。今按今偈意。約法体
 成就故。大行彰本願名號。大信顯至心信樂誓願。為正因之意
 也。若約我信受。則三心即一心。至心信樂欲生。其言雖異其意
 惟一。何以故三心已疑蓋無雜故。真實一心是名金剛真心。是
 名真實信心。是故論主建言我心。信卷三
心結文又云彌陀如來離發
 三心。涅槃真因唯以信心等。當知約法体則一心具三。一即三
 也。約機受則三心即一心也。具如信卷。○成等覺證大涅槃等。
 正彰大行大信之所得。第十一願證果也。初句全用唐譯。后句
 依大經成證果。唐譯云云。六要云云。文軌云云。今意成等覺證

大涅槃者。即是住正定聚故。必至滅度也。故次示必至滅度願
 成就也。願成就者。示證大涅槃所由。由滅度願成就故也之意
 也。何以特於證果。示願成就所由耶。謂約佛本意故。上來發心
 見土等。但為使眾生得此證果故。又生佛互相成。因佛正覺
 成就。而成眾生證果。由眾生往生成就。成佛正覺。眾生滅度願
 成就處。即光壽覺体成就之相。與初二句互攝互成。示彌陀教
 法体成就相故云云。又在彌陀教終。明法体圓滿。起下釋迦教
 云云。已上彌陀教章。

○如來所以與出世止應信如來如實言
 自下六偈廿四句。第二明釋迦教意。於中有三。初一偈。如來
意
 明出世正意。二能發已下三偈。別顯信受益。三一切善惡已下
 二偈。承上結勸。初中前二句。正示。后二句勸信。初正示出世正
 意。大經文如來以無蓋大悲等云云。如來者總三世諸佛。別則

指教主釋尊。此等諸如來。皆從久遠實成光壽大寂滅海出現。以說彌陀本願。為出世本懷也。唯說二字。揀諸佛教道及二乘三乘等教。又十方世界中。唯有弘願一乘。無二亦無三。故云唯說。○本願海者。真實五願。和讚開本願真實。而列五願與此同。即是承前彌陀教所成就。教行信證來。為五濁群生說之。為出世本意故。云唯說等。別記云云。海字三下。○五濁等者。樹信也。五濁惡時群生者。學時機為本願海所被機。○應信等者。大經云。應當信願。唐譯云。應信我教如實言。應信勸機受行之辭。前彌陀教中。法体成為主。未說機受行。今釋迦以勸機信受為本故。在初言之而已。五濁惡時及如實言。盡大經一部所說云云。○能發一念至海一味。

二別顯信受益亦二。初中四句明一乘因果。攝取已下八句明現生益。此初也。前二句明本願一乘真利。后二句成上起下。初句

取番唐譯。以顯願成就信因。應前名。次一句假論註語。以承十一願成證果。願成證果。願前大。望聚句來。斯則本願一乘海真利也。唯以說此真利。為出世正意。故在初顯此大益也。唐譯願成云。能發一念淨信。歡喜愛樂。流通文云。若有聞彼佛名。能發一念喜愛之心。當獲如上所說功德。今二文合成願成一念。能發者。非對所發。如是真因。非眾生所能。偏由他力發。故云能發也。能對不能可知。發者猶如發病之發。所謂遇發得欲往生之深信者。併由法藏因中強願。及正覺彌陀智力。內薰密益等。是也。○一念喜愛心者。願成就信心歡喜是。唐譯云。一念淨信。又云。一念喜愛心。歡喜愛樂名喜愛心。又云。一念慶喜。俱同彰信心歡喜乃至一念。銘文云。能發一念喜愛心。トイフハ。一念慶喜ノ真實信心。ヨリ發スレハ。必ス本願ノ實報土ニ生ルト知ルヘシ。又唯信文意云。コノ信心ヲウルヲ慶喜トイフ也。一念時獲得廣

大佛智。慶喜愛樂所聞法。二念無疑心。言一念喜愛心也。○不斷煩惱得涅槃者。承四十八願成來。彰一乘證果。造語取清淨功德註文。銘文云。不斷煩惱得涅槃。トイフハ。煩惱具足セルヲレラ。無上涅槃ニイタルナリト知ルヘシ。准知今約究竟不言分也。上所謂證大涅槃是也。○凡聖逆謗等。前明當益。次下明現益。此二句在中間。成上起下。成上則彰證入一味。同于論註本則三々之品。今無一二之殊。猶如溜瀝一味之文。起下則彰歸入一味。同于性功德註文。論註上十如海性一味衆流入者。必爲一味。海味不隨彼改也。文在中間。義兼兩向。銘文且約歸入一味耳。○凡聖逆謗者。依觀經九品。顯諸機差別。衆水喻諸機差別。入海一味者。顯機法一味。應知。○回入者。約現生則回心歸入信心海。則機法一体同一念佛爲入海一味。若約當證。則三々九品諸機。回證入無爲涅槃界。猶如溜瀝一味。證

平等無差別一味證果。正明歸入一味。兼證入一味也。齊回入三字依宗家造語

○攝取心光常照護

二明現生益。中有三益。攝取心光益。破無明益。住正定聚益。雖有三益。唯是能發一念之所得也。○攝取心光等者。能發一念時。歸入本願海。機法一味故。佛光能攝取此人。觀念法門云。但有專念阿彌陀佛衆生。彼佛心光常照是人。攝護不捨。總不論照攝餘雜業行者。文。常照者。不斷光德。一多證文云云。攝取是光。得光德。銘文云云。○已能離破等五句。明破無明益。即是常照護相也。已能二字。與上能發相應。能發時已能破故。發一念喜愛心。以能發顯已能破。以已能知能發。能字在離上。作文奇處。今准銘文及文類考之。此是合語之法。已能下可入破無明大夜暗之六字看讀。雖破二字起下常覆。雖已破妄染猶覆故。○常

覆貪愛等者。此雖取斯乎二河譬。意承前無明闇句。轉勢用日月雲霧。得意可見。雲霧蔽日月。涅槃二三毒之蔽信心也。噉噉意。無明噉夜暗。攝取心光。噉日光。信心噉天曉明。雲霧噉信后猶貪。喚起覆信心。天者清淨義。文類偈清淨信心天。此中法譬合說。入雖常覆貪。喚中信心常清淨之句。可看。次噉顯之。○譬如等。噉顯雖妄。雲常覆心光常照故。信心常清淨。雲霧之下。有云下者底也。此謂雲霧裡也。從雲上也下者是指雲底。乃噉行者心底耳云云。此泥文類云。譬猶如日月星宿。今但分噉近示。何分晝夜乎。彼但取三曜有光明。合日光耳。今解日光猶言白晝。明謂赫然分明。闇夜暗也。今謂對上天。從雲下。天曰之下。銘文云。譬如日光覆雲霧。トハ。日月ノクモキリニオホハルレトモ。ヤミハレテ。夜暗已明至曉クモキリノシタ。下アカキカ如ク。白晝見物由此言之。闇夜一已曉了。則雖雲霧覆雲霧下

赫然。無復有夜闇。白黑分明無所迷。不同於夜未曉時。真黑闇夜。合法可知。○獲信等二句。后明住正定聚益。前一念喜愛之心。至此舒而見相續相。經言聞法能不忘。見敬得大慶。則我善親友文。淨影懺與約。彼土義寂約。此土文勢義趣約。此土為勝。文既云聞法能不忘者。聞名號深妙法。獲信故。又如來會云。聞如是深妙法。當獲重愛諸聖尊。又云常令諸佛而生喜。依此等文約。此土分明。和讚云他力ノ信心ナル人ヲ等。現生必矣。經云聞法。今云獲信。聞彰信言故。見敬者義寂。見法深趣而敬重。今不取。今意眼對木畫像。心懷恭敬。云見敬。大慶喜者。他力信相也。○即橫超截等。經曰橫截五惡趣等。經約當益。故云必得超絕去等。今約現生。加即字。此獲信之人所得故。橫超截者。彰他力橫超斷。信卷三末云云。獲信一念。既六道四生因果橫截根。永隔生死。豈不正定聚益乎。銘文云云

○一切善惡止分陀利華
 二二偈八句承上結勸終釋迦教。於中初一偈嘆順教者。后一偈貶不信者。結難信。此初嘆順教者。從前應信來。一切善惡凡夫人者。承前五濁惡時群生海來。用宗家弘願之語。聞信如來等。承上應信如來句來。順如來如實言勸信者。云聞信人。此即順釋迦教之人也。嘆其順教人。佛嘆言廣大勝解者。又名分陀利華。此乃與信卷真佛弟子釋相應。順釋迦教者。真佛弟子故。如來會云。於彼法中。廣大勝解者。當能聞獲大歡喜文。諸註為勝解心所者不可也。軌直指聞信人。稱勝解者。舊華嚴六曰。若得殊勝決定解。則為諸佛所護念。信卷本引此釋太好。智惠明達故。稱廣大勝解者。此人功德殊勝故。嘆名分陀利華。觀經云。若念佛者。當知此人。是人中分陀利華。疏云。云准信卷所引。廣大勝解者。光明益。分陀利華者名號益。順釋迦教。聞信者。由光明名號

佛德故。蒙此嘉譽也

○彌陀佛本願念佛至無過斯

二貶不順者。結法難信。彌陀佛本願念佛者。先提學釋迦教所詮法体。苟信焉。則佛自褒讚此人。若不信者。不順佛語故。貶言

邪見憍慢惡眾生也。○邪見憍慢惡眾生者。彰無宿善人。大經

曰。曾更見世尊。宿善則能信此事。現在謙敬聞奉行。踊躍大歡喜。

由有宿善現憍慢之反。難行反。難以信斯法。由無宿善故。現在信謙敬奉行。憍慢之反。難行反。難以信斯法。由無宿善故。現在信謙敬奉行。

唐譯云。懈怠邪見下劣人。不信如來正法文。今合為邪見憍慢

二類。惡眾生者。即弊惡人。貶責上二類。不隨順佛教。故知此彰

無宿善。○信樂受持等者。難以信斯法句。合流通文。以終釋迦

教。應知

○印度西天之論家止本誓應機

已下大門第二。依師釋述。於中有三。一嚧標句。二別列。已下

至陸入十七。三結勸弘經已下。今初四句先標。標以三國七祖為念。佛相承系譜也。初二句可知。○顯大聖與世等二句。正明棟三國七祖。為念佛弘通之系譜。在世滅后。念佛弘通諸師是多。爾今家唯棟為七祖者何耶。振古多義云云。今謂高祖擇法眼。正在此二句炳著矣。謂顯著釋迦出世。聖道八万法門外。別開闡淨土一門。以說彌陀本願。為出世正意。又分明彌陀本誓。應濁世造惡時機。顯明此二尊教意。而后立為淨土七祖。不然則不足為列祖。高祖擇法眼達此旨。擇以為淨土七祖。在此二句昭晰矣。何求異乎。此二尊教意。與教卷大意文相發。可見矣。顯明二字。示祖々功勳。與世正意彰教法純粹。大經及上文所明。出世本懷是也。本誓應機者。示悲極深遠。乃上文彌陀教是也。餘文可知。

○釋迦如來至生安樂

二別列中自有七。第一龍樹章有三偈。十二句初六句明世尊懸記。次六句述其論說。祖々各有其德之所為主。今於初祖列二德。曰伏承懸記德。曰大判二道德。下皆倣此。今初六句明其懸記德也。惟夫弘通念佛者。龍樹之先。在世有阿難等。滅后有馬鳴等。而特取龍樹。以為創祖者。以有佛懸記。當知他力真宗稟承。原起佛勅。大哉矣。是以今偈及和讚等。皆先舉懸記。不亦宜乎。蓋是承讚彌陀偈者乎。其懸記文。唐譯大乘入楞伽經七卷第六十。魏譯經十卷第九十出。如諸註引。今正據此經文。列懸記。餘文如別記解。就大乘無上法。有顯密之論云云。

○顯示難行至弘誓恩

次六句明論說。即承上宣說大乘無上法。嘆宣說難易之德。初二句明宣說大綱。后四句述宣說本意。初宣說大綱者。於宣說大乘中。有難行道。亦有易行道。易行品云云。此乃以水陸步船

暇。示難易苦樂。所以示難易苦樂。則為顯。示難行陸路苦。信樂
易行水道樂。以捨難行大乘。歸易行無上法。為宣說本意。今初
二句明其意。上宣說大乘中有難易。今二道中。示難行苦。使捨。
示易行樂。令信樂之也。利讚云。顯示難行易行道。使乘弘誓船。
此意也。○憶念彌陀佛等者。述宣說本意。於宣說易行。使信樂
中有諸佛彌陀易行。今顯歸彌陀易行為本意。故云彌陀佛本願。
於于此知。大乘中之無上法。即彌陀本願名號是也。○憶念彌陀
佛等者。彌陀章云。憶念阿彌陀佛本願如是。若人念我稱名自
歸。即入必定。得阿耨多羅三藐三菩提。是故常應憶念。偈曰人
能念是佛。無量力功德。即時入必定。是故我常念。今合兩文。
云自然即時入。唯能常稱等二句。示信后相續稱念。如別記。以
我常念句。為報恩稱名者。以大論助顯耳。此中自含四修。如理
思之。

○天親菩薩至彰一心

第二祖天親章。有三偈十二句。分為二。初六句頌造論大旨。偈頌
后六句彰一心利益。初中分二。初三句述二利德。光闡等三句。
顯宣布功。初中天親菩薩造論說者。嚙貫下諸句。偈頌長行。同
一論說故。舟讚廿七云。是故天親作論說。蓋語本于此焉。○歸命
無碍光等。論主自利。依修多羅等一句。明化他德。問答如別記。
○依修多羅等者。論曰我依修多羅。真實功德相等。論真實功
德相為所依。今為所顯法。顯真實法。故真實法者。即本願真實
利益也。即是真實功德大寶海也。云何顯真實法。次句光闡橫
超等。是其相也。光大也廣也。闡開也顯也。橫超大誓願者。第十
八願。所謂觀佛本願力是也。既云能令速滿足。又云速得成就
等。是橫超之義。顯他力之謂也。註家引三願。顯速成義。云廣開
大誓願力者。排橫本願力。為廿九種。一一莊嚴。皆橫超誓願故。

云光闡三種成就願心莊嚴是也。不但三種莊嚴。開一心爲五念等。亦是光闡誓願也。問和讚但云願作度生心。不云三業五念。今云云。○廣由等二句。彰宣布廣大無碍一心。證卷云。論主宣布廣大無碍一心。普遍開化雜染堪忍群崩是也。廣由本願句在于中間。成初願作佛心。又成后度衆生心。何故一心具二利者。由本願力回向故。論主一心歸命。即是願作佛心。此心由本願力回向故。具度衆生心。故建章一心。爲度衆生而說。願與衆生共往生故。偈終云。普共諸衆生等。今偈以後顯前故。爲度群生彰一心。此乃由本願力回向故。願作佛心具度衆生心。故爲顯此義。用論主第五門語。彰由如來利他回向。更加廣字。以示廣大無碍之義。謂上從論主下至下品。一切善惡凡聖。齊由如來利他回向。成二利德。故云廣由。此乃宣布廣大無碍一心之功。豈弗偉哉。○爲度群生彰一心者。論言一心歸命。今分安

布二處者何。謂一心即歸命。唯一信心也。分一信心二處者。爲顯一心有二利德也。初歸命是願作佛心。后彰一心是度衆生心。和讚曰。盡十方無碍光佛。一心歸命。天親論主言。宣願作佛心。願作佛心是度衆生心等。一利他真實信心。具二利故。一心分爲二利。二種攝歸一心。故曰信心即一心等。

○歸入功德至示應化

后明一心利益。偈初一心。既具三業五念。故依長行。顯其一心所得利益。然諸註解二途。或五因五果。具配釋利行滿足註五因五果入出對釋故。歸入等近門。必獲等大會聚門。得至等屋門。即證等宅門。遊煩惱等園林遊戲地門。要刊勸說或東爲三分。初二句明往相因。次二句明往相果。后二句明還相益。六要軌二義中。后義爲優。今家恒立一因一果義故。一心中具五念故。歸入處入定聚。故爲一因。屋宅二門合爲一果。一涅槃中寂照故。大願清淨報土。不言品

位階次。因既一。因果何漸次乎。如泐記二。十九班錄上初下七十等具釋。○歸入者。一心歸命入。無碍光中。功德大寶海者名號。功德。歸入刹那大功德成滿故。即得往生住不退。故必入大。會衆數。是入門初。往相因也。得至等者。入門究竟之處。往相極。果也。此乃極住入宅處。別記云云。經云於七寶華中。自然化生。此華具無邊佛土。名為蓮華藏。以如此妙華。法藏比丘願力所。成故。凡小之類得齊入。言所證則與諸佛同。論能入與諸佛異。故與華嚴梵網等所說不可混說。○即證真如法性身者。至無。為涅槃界。即是得法性法身。而為二句者。蓮華藏顯土。法性身。示證。至證同時。但說有前后耳。故祖師曰。文由已入願海。必至。大涅槃。言還法性都。言法性都。自然開所謂法身如來之證。證。開時言還法性都。亦是謂證真如實相。亦云無為法身。文○遊。煩惱林等者。明還相出門。論出第五門文如諸註引。

○本師曇鸞至歸樂邦

第三祖曇鸞師章有三偈。十二初四句明能弘德。后八句明註解

德。初中學皇禮德。捨聖歸淨德二。嘆其德。初二句明皇禮德。迦

才論。下曰。梁國天子蕭王。恒向北禮曇善薩。據僧傳云梁國天子

師達禪師肉身菩薩恒向北禮。今偈及和讚。依迦才論。今舉之。使人起崇重之心。

也。○三藏流支等者。嘆捨聖歸淨之速。使人慕其德也。事出續

高僧傳第七云云。始求仙經也。非為著樂。但為修此土入聖道。

也。后聞流支垂誨。忽焚仙經者。速捨聖道難行。深歸入淨土門。

此所以追慕龍樹也。

○天親菩薩論註解至由他力

後嘆註解德。於中初三句。惣顯註解之功。后五句釋成往還因

果。初中論註解三字能釋詞。天親菩薩四字舉所釋。註解二字

不苟下。一一文皆應上本論故。報土因果等二句。總示註要義。

即是利行滿足註文。證第十八願者。報土因顯誓願。證第十一願者。顯報土果。此文與前橫超大誓願應彰衆生入報土因果。○往還回向由他力者。起觀生信註。回向有二種。一往相二還相。至利行滿足註。正成二種回向由他力。覈求其本止。凡是生彼淨土。及彼菩薩人天所起諸行。皆緣阿彌陀如來本願力故。何以言之。若非佛力四十八願便是徒設。今的取三願。用證義云云。引十八十一兩願者。顯往相因果。引廿二願者。證還相。結云以斯而推他力為增上緣等。顯字註解之功。謂論文幽玄。往還因果他力之義難知。釋師深探論意。顯示他力深義者。此文也。此註解大功。在此文故。和讚云天親菩薩言。釋師不註解。他力廣大威德。信行云何得知。又證卷云。宗師顯示大悲往還回向。慇懃弘宣他利。他深義。正指此文。有此義故。今以此二句為註解大功也。思之。○正定之因下五句。釋成前因果往

還由他力。於中初三句。成往相因果。與上歸入功德等文。應註上曰。以信佛因緣。願生淨土。乘佛願力。使得往生彼清淨土。佛力住持。即入大乘正定聚。○正定之因唯信心者。信佛因緣也。有說正定者。謂必定生報土之因。信卷言。信樂者即如來大悲心故。必成報土正定之因。銘文曰。正定之因者。謂必開無上涅槃之因也。有說云。註解約彼土。今約現生。論曰。即時入必定故。一念發起時。心光攝護。故入正定聚。其因唯信佛因緣故。云正定之因唯信心也。○惑染凡夫信心發者。示能發人。依清淨功德註文。信心發者。承前唯信心句。證知生死等者。或為當益。證知者能證智也。生死即涅槃者。所證理。論註釋佛所得法。言一無碍道者。謂知生死即涅槃等。是示如來證知。今獲信者。到彼正證。此理等。或為現益。證知如道理証知。淨信發有大慶喜心。相續以為驗。知生死即涅槃。現生益也。若為當

益。即下句成層出。必至光明土即證果故。文有云證知生死人。即涅槃分人。明信佛智中天然解了。師說曰。后義為優。若偶言信心開發即獲忍。證知生死即涅槃。故證知者忍可決定之義。忍可決定此生死凡夫或即當入涅槃之人。領解曰。證知等今謂前解為正。證知生死即涅槃。顯往相證果。今偶殊探註佛所得一無碍道文。豈因人之證知乎。生死涅槃不二之證。寧如道理證知乎。枉會云。明信佛智中天然解了者何謂乎。天然解了者。何以語言論之乎。○必至無量光明土句。如至願土速證無上涅槃。乃與大悲也。云何言層出。○必至無量光明土等。二句明還相回向。於中必至無量光明土者。示還相攝化之處。謂遊諸佛國。供養無量諸佛。開化恒沙無量眾生。豈不還相普化之處乎。○諸有眾生等。不取園林遊戲地之語。言諸有皆普化者。為應前句故也。謂至無量諸佛光明土。光明土所有眾生皆

開化。使立無上正真道。是普賢德相也。必至無量光明土者。指諸佛國。盡十方無碍光所照之處。名無量光明土。論註上釋盡十方。若言諸佛遍領十方無量無邊世界。是大乘論中說文。是無量光明土之義。平等覺經曰。速疾超便可到安樂國之世界。至無量光明土。供養於無數佛。其奉事億萬佛。飛變化遍諸刹等。十方無量諸佛國。名無量光明土。今取為還相普化之處。豈有層出過乎。別記云云。
 ○道綽決至可通入前本師流于此可見
 第四祖道綽章。有二偈八句。初二句懺嘆判教德。二門判教是集要義。而今取為弘化德者。和讚與捨涅槃廣業文。并嘆。此乃以捨聖歸淨德。顯決判二門之德。別記云云。惟夫聖淨二門判教。禪師為創。是故今在初嘆其德也。○決聖道難證者。集文以二由。決判曰。聖道一種。今時難證。引大集曰。起行修道。未有一

人得者。是決難證也。知難證故。自闕涅槃廣業。○唯明等者。集次文云。當今末法現是五獨惡世。唯有淨土一門可通入路文。此乃自知淨土易通入。自持本願他力。亦勸五濁群生。使入淨土門。豈非弘化德乎。可通入者。對聖道一門梗塞。而開通遠通。易入言通入。淨土一門者。即次所指第十八願是也。

○万善自力至證妙果

已下六句別就集要義。以顯初二句。於中万善等二句。並顯聖道難證。及唯明淨土之所由。万善者。謂聖道万行。和綽和尚云。万行是回心回向之善故云。万善。在此起心立行。此是自力故。云万善自力。集意此中攝淨土要門。未分要弘故。○眨勸修者。眨謂眨抑也。多時精勤策修名勸修。有指於斯進修勝果難階。文刊。有指恐現居退位等文。勸。有指集下始終兩益文。津有指五箇五百年文。師諸說有義。而眨勸之相未詳。今按二門章文

曰。一切衆生都不自量。若據大乘。真如實相第一義空。曾未措心。若論小乘。修入見諦修道。乃至那含羅漢。斷五下除五上。無間道俗。未有其分。縱有人天果報。皆爲五戒十善。能招此報。然持得者甚希。若論起惡造罪。何異暴風駛雨。文。此聖道万行中。攝上六品諸行。今時起惡造罪之機。何堪勸修乎。既眨大小乘諸善無益。此眨勸修也。○圓滿德號者。曠名號德。圓滿之語。集引大論念佛三昧文。今探作語。化土卷本云。此嘉號者。万善圓備。一切善法之本故曰善本也。○勸專稱者。集曰。是以諸佛大慈。勸販淨土。縱令一形造惡。但能繫意專精。常能念佛。一切諸障自然消除。定得往生。何不思量。都無去心也。文。此正勸專精之文也。○三不三信等。四句彰唯明淨土。於中三不三信等者。於勸專稱。有如實不如實故。今簡不如實。顯如實專稱。集上三十問曰。乃復有三種不相應。一者信心不淳。若存若亡故。信疑。二

者信心不一。無決定故。不移轉。三者信心不相續。餘念問故。念與前後。送相收攝。已上承。若能相續則是一心。但能一心即是淳心。具此三心。若不生者無有是處。一文。此全承論註。猶加釋三信相。釋師先唱今復提來。使專稱如實。故云。誨懇懇也。此文明第十八願專稱。即三信如實必得往生二門偈云。縱令一生造惡業。三信相應是一心。一心淳心名如實。若不生者無是處等。此正以如實三信。換十念相續稱我名字。以若不等二句。換若不生者不取正覺句。次承之云。一生造惡值弘誓可知。○像末法滅等者。若為集主悲引要者。集主末法初出世。入末法。何言像法。又若為釋迦悲引。何可局今章。由此或解。像繫釋師末法屬集主。末法悲引。同釋師像法悲引故。云同悲引。勸。今謂像末法滅句。承前唯明淨土文明淨土門悲引。淨土悲引雖三時通修。正像末三時。對聖道難證之時。云像末法滅同悲引。讀云像季末法此世。諸善入

龍宮。彌陀悲願弘。而念佛往生盛也。化土卷云。聖道講教為在世正法而全非像末法滅之時機。淨土真宗者。在世正法像末法滅。濁惡群萌齊悲引也。其悲引相是何。次明之。○一生造惡等。次示淨土一門悲引之相。集云唯有淨土一門可通入路。是故大經云。若有眾生縱令一生造惡。臨命終時。一生造惡。十念相續。稱我名號。值弘誓。若不生者不取正覺。願力便。此即但淨土一門。悲引像末法滅惡機。以三信十念願。使至安養證妙果也。○至安養證果者。對彼聖道此土入證之道。顯淨土門彼土得生。化土卷云。證妙果者。若不生者願力。能使稱我名字者。證妙果也。○善導獨明至顯因緣。第五祖善導章。有二偈八句。中初三句明悲智德。后五句明法深要。初中獨明是智德。矜哀是悲德也。獨明者。古今諸師謬解觀經。以生種々異解。終致使二尊正意而暗焉。是以今師排々

憤發請證於諸佛。指定古今。蕩遣謬執。於乎此佛正意。廓如焉。獨明之功。莫太焉。如疏末請文。及玄義等。矜哀等。示悲德。矜愍也。哀悲也。定散逆惡。所謂一切善惡。凡夫也。使之齊乘。大願業力。宗師矜哀之至也。光明名號顯因緣者。此據禮讚意。請弘無深重誓願。別異之因緣。故不能化凡愚。彌陀特有深重誓願。因緣。使一切凡愚易往生。所以為矜哀也。因緣者。諸註引行卷兩重。因緣文者。未然。今因緣即禮讚所謂光明名號。顯弘願別異因緣。以為哀定散逆惡。非謂內外因緣。如泐記斥。

○開入本願至之常樂

次五句明法深益。中初二句明獲信益。開謂開示。化入謂悟入。或開入謂開導引入之義。由宗師使定散逆惡機。開導引入本願智海。行者如實領開示名號。則得金剛心。此從前矜哀而出。○本願大智海者。彌陀智願海即名號也。行者如實領此名

號。說為正受金剛心。玄義文云。玄義意。等覺金剛定。一念智。此彰堅自力金剛心。今轉為他力橫超金剛心。信卷末九云云。正受者。正信受本願名號。義非正受三昧義云云。○慶喜一念等之句。次明金剛心益。獲忍即現生益。證樂即當益也。慶喜一念句。將明其益。指上正受相。玄義意。一念智與本覺理相應。今慶喜金剛信。一念與佛智相應。上正受即相應義故。慶喜一念即金剛信心也。故信卷末明願成一念云。大慶喜心即是真實信心。即是金剛心。後者有人正受時與慶喜時。言前者未可也。對未信前。正信受時。曰。後獲信同時。即獲三忍故。三忍者。正明現生益。序分義云云。喜悟信三忍者。光明攝取之相。何以知之。喜悟信三。如次歡喜清淨智慧三光之益。統之一無碍光。三忍亦一無生之忍。思而可解。○即證法性之常樂者。明當益。玄義曰。捨此穢身。即證彼法性之常樂。現獲無生忍。生彼國。

頌證法性身。得涅槃常樂也。

○源信廣開至勸一切

第六祖源信章。二偈八句中。初二句明自行化他德。后六句顯集要義。廣開一代是自行也。勸一切是化他也。偏歸安養句。在中間貫于前后。別解於廣歸行於略。故云廣開偏歸。終南大師遺風耳。泚記引釋書云云。今偈不然。此文據集序文云云。今偈意。源信大師廣披顯密一代教行。自選開念佛一門。自歸淨土。又勸一切。偏以念佛一門。使歸安養也。

○專雜執心至常照我

次六句明集要義。於中初二句判專雜淺深。辨報化得失。專修正行名專修。修餘行業名雜修。雜修者執心不牢固。為淺。專修人執心牢固。名為深。即集下末問答科引群疑助成通處胎經難云。此經下文言。何以故。皆由解慢執心不牢固。雜修之者為執

心不牢之人。故生懈慢國也。若不雜修。專行此業。此即執心牢固。定生極樂國也。乃又報淨土生者極少。化淨土中生者不少。故經別說實不相違也。文。此即辨得失。立報化二土也。次承之。明其得失。問答云云。如別記。以因得失。判果報化。今師功也。○極重惡人等。四句明專修得。極重惡人唯稱佛者。專修念佛義。在彼攝取中者。學其得也。雖文出雜畧觀。非為觀益。意本於念佛證據門。我亦二字明。今師自行。唯在念佛。若雜修人者。何蒙光。照益乎。是知今師已入念佛門。廣開之源信。與極重惡人為伍。故云我亦。又我亦二字。彰下品惡人。由專稱佛名。得心光攝護益。若下品惡人不蒙光益。則對誰言我亦應知。后二句彰不捨之大悲。凡夫肉眼。云何得見報佛心光。故云不見。在光中而不見者。機相也。雖不見常照者。顯不捨大悲也。既云不見。何以知常照。唯稱故知常照。由常照常稱相續也。應知大悲無倦。如別

記。

○本師源空明佛教至凡夫人

第七祖源空章有二偈。八初二句嘆悲智德。明佛教示智德。憐愍凡夫彰悲德。明佛教者。閱藏八遍求出離者。如十六門記。閱藏求出離者。為憐愍善惡凡夫。是以集始終。以出離生死覆之。深可翫味矣。憐愍善惡凡夫句承終南來。

○真宗教證至為能入

此下六句后述集要義。集要在初三章。以嚄結文可見。今偈真宗等一句。述初建立淨土章意。選擇本願一句。第二第三章意。還來生死已下四句。超依第八三心章意。所言稱念佛名。斯乃為示信行具足。而非自力單行。取下三心章。一部大旨盡于此。故今偈取以為集要義也。又此六句中。自舍教行信證。為七祖終可見。○還來生死等者。三心章曰。當知生死之家。以疑為所

止。涅槃之城。以信為能入。文雖曰往生之業。念佛為本。自力單行。猶於本願有疑心。無真實信心者。不願佛本願。何得速離生死乎。故次本願章引三心章也。還來者。軌云如往而尋還。似去而復來。故云還來。非由生死外而還來也。此即解得還來句矣。還來與輪轉云何異。軌云還來從眾生輪轉就器界。器界如轆轤。眾生如汲灌。能令眾生往還去來之處。故云輪轉家也。此釋好。今可還來謂生死之難離。往來俱生死。故輪轉謂還來生死之無端。是無窮之相。故云流轉輪回無際也。決以等決謂決斷。決判之義。為所止者。止謂制止也。所言助語。非能所對之所云云。○速入等者。速入對漸入。聖道要門顯橫超速疾。寂靜無為樂者。集曰涅槃之城。今寂靜無為。即是涅槃異名也。定善義云。西方寂靜無為樂。事讚曰極樂無為涅槃界。今依此等文。為語顯涅槃城。樂與洛音通。訓為都城義。此乃以宗家之樂。顯吉水之城。為